

卯經堂集

射



師經堂集卷六

書一

甬江徐文駒子文著

上新城先生書一

秋抄忽接翰教珠玉自天欣荷無已承知道體安勝深
慰遠懷尊先集三冊各採入一首書目雖定尙擬增刻
復承寄到太師公奏疏三篇焚香盥手開卷疾讀讀竟
作而嘆曰古所謂社稷臣其太師公之謂乎其痛哭流



涕知之無不言言之無不盡則賈長沙治安策也其指
事類情深切愷摯則陸宣公奏疏也其婉譬曲喻痛快
淋漓則蘇文忠上神宗皇帝書也爲百姓爲宗藩爲社
稷千萬年無疆之至計孰有過於是者此等疏與日月
爭光可也擬卽付梓人緣書目未便多更尙在斟酌珠
光劍氣終當流布人間庶不負尊命耳明文之選過承
獎借然讀書種子宇內寥寥不能無覆瓿之懼夫古文
之有選也自蕭統始也後乎此者唯唐文粹宋文鑑元
文類最著而愚意所取法者則以呂東萊宋文鑑爲準

蓋文粹掇菁擷華所取者文也而文鑑則關切於人心
世道顧名思義其意可知文類則蘇天爵未成之書不
足論也今

天子弘開館閣續修有明一代之史竊以爲左史記言
右史記事史以記事者也古文之選以記言者也自古
史必有文而文章非史所能盡班孟堅之史簡嚴有法
然而解嘲客難盡入傳中其文遂不如史記之潔淨柳
子厚有言曰本之太史以著其潔然則孟堅以下其不
如子長之潔明矣故愚欲以明文之選與明史並轡而

行有相輔而見者有。史所不能盡收而見之於長篇累。牘足以考鏡其事之始終。人之本末者。以是一去一取。頗有深意。或有關於天下國家之故。則收之。或有係於綱常名教之大。則收之。或忠臣孝子義士之文。則收之。或足以備考索資典故。則收之。若夫懷邪醜正凶國害家。雖其文彩輝煌。一切削而不錄。所謂誅奸諛於既死。發潛德之幽光也。故拙選之意。取法文鑑而稍有與文鑑異者。文鑑主乎鑑政事之得失。故奸如丁謂夏竦曾布呂惠卿之屬。亦間得收之。而鄙意則否。不欲令壬夫。

媚子有玷斯文之正氣也。拙選之意。頗異文粹。而又有與文粹同者。文粹於古文各爲一體。每體又各以事類珠聯繩貫。耳目易清。拙選之分類。祖此。至評點鈎勒之法。始於樓宣獻公。古文崇訣踵之者。則有謝疊山。規範。又有唐荆川文編。歸震川文則。茅鹿門八大家。皆標舉。矚目以示學者。似不可廢。然自媿學識謏劣。管窺蠡測之見。其有當乎否也。昔左太冲作三都賦。求序於皇甫士安。太冲之名。由此遂著。若駒。所以求序之意。則不止此。三都小賦耳。鬪艷誇多有。何關係而今明文一選。則。

三百年名人傑士之作悉在是焉。駒不敢謂能學之。而謂能知之。則今所以求序於閣下者。豈爲一日之計。一世之計而已哉。千秋旦暮。欲借名德之重。爲是選焜耀於無窮也。夫自有文序以來。佳篇無幾。序易者莫如伊川。序春秋左氏傳者莫如杜預。序穀梁者莫如范甯。序詩者莫如晦翁。史記漢書則遷固自序。序必若是而後序可傳也。區區士安何足掛齒。伏求閣下退食之暇。振筆爲之。豈惟駒與豫章君喬梓同荷大賜。抑有明載筆諸前賢實式憑之矣。頤切頤切。至於選事曲折書未及

盡前答少宰趙玉峯先生書。頗盡其詳。原稿并上。統惟垂鑒焉。

上新城先生書二

拙選明文遠序久蒙見許。光陰彈指忽忽二年。跂望不啻饑渴竊以爲序。有不必作者。有不可不作者。今天下朱墨雜揉。流品不一。或纖兒信筆。假題拂於公卿。或幕客應酬。借揄揚於館閣。此其中未必無一巒之善。隻句之工。然微之不足以感性情。顯之不足以匡治化。近之不足以名一世。遠之不足以垂萬年。雖復標榜過情。弁冕集首。終恐與蟲魚花鳥同在凋零磨滅之數。序雖工。不作可也。而若夫心存諷勸。事係存亡。搜羅一代之遺。

文○曩○括○千○家○之○著○述○賢○者○識○其○大○不○賢○者○識○其○小○憲○章○
有○托○文○獻○足○徵○後○有○倚○相○董○狐○決○不○能○捨○是○爲○援○據○筆○
削○之○地○於○是○而○發○皇○大○義○敘○次○簡○端○微○特○有○補○斯○文○抑○
亦○重○裨○世○道○序○其○可○無○作○乎○拙○選○大○意○雅○欲○與○明○史○相○
表○裏○前○言○縷○悉○不○復○再○陳○或○可○不○辱○大○人○長○者○之○教○且○
夫○序○以○文○重○尤○以○人○重○蓋○文○章○天○地○之○清○氣○也○從○來○悞○
煖○場○中○朝○榮○夕○萎○而○唯○是○松○栢○之○骨○力○霜○雪○之○性○情○能○
與○天○地○同○其○長○久○使○唐○之○皇○甫○鍾○李○逢○吉○而○亦○爲○韓○退○
之○之○文○可○曰○匹○夫○爲○百○世○師○一○言○爲○天○下○法○耶○使○宋○之○

章○惇○呂○惠○卿○蔡○京○蔡○卞○而○亦○爲○歐○陽○永○叔○之○文○可○曰○天○
下○文○章○莫○大○乎○是○耶○人○心○不○死○公○道○自○在○人○間○要○知○銅○
臭○之○謚○必○不○榮○於○忠○肅○也○今○天○下○趨○利○如○鶩○堤○決○川○奔○
不○復○知○人○間○有○廉○耻○事○縱○負○鄒○枚○班○馬○之○筆○安○所○用○之○
文○字○有○靈○決○不○受○汝○汙○染○而○門○下○貞○操○絕○俗○皎○皎○自○持○
爲○天○地○留○一○綫○清○淑○之○氣○其○言○之○信○今○傳○後○斷○斷○無○疑○
真○駒○所○急○欲○得○之○者○也○故○一○請○不○已○至○於○再○再○請○不○已○
至○於○三○門○下○能○無○意○乎○若○夫○波○瀾○意○度○方○軌○歐○陽○雅○健○
醇○深○馳○驅○司○馬○特○文○章○之○末○事○道○德○之○緒○餘○駒○所○重○不○

在此故不復爲門下道

上新城先生書三

讀尊集意高語潔格老氣蒼有深湛之思有卓絕之見
有磊磊落落光明正大之槩有耿耿切切千萬世不可
磨滅之情竊以爲靜穆似歸震川而更濟之以雄偉修
雅似羅念庵而又加之以峭拔一代斯文之柄必有所
主舍閣下將誰屬乎夫詩與文之不能兼擅也自古然
也唐惟韓柳宋惟歐蘇今乃有閣下落落相望於數千
百載之間其人爲問世之禎符爲國家之元氣千秋有
托文不在茲此某讀漁洋蠶尾二集不禁氣張神旺爲

師經堂集卷六
之拊缶擊節不能已已者也。夫文章本所以明道，其中精神骨髓原不僅在尋行數墨之間，然使其意矣。有其辭矣，而篇法不知淺深，前後不相照應，將足可以上手，可以下乎，輒可以亂旗，可以靡乎，則首尾段落不可謂非文章之關鍵也。而近之大人先生謂八家不可學，謂章法不必講，大意欲祖晉魏而祧韓歐，於近人諸集所深鄙以爲無足錄者，唯某氏爲尤甚，嗟乎某氏之爲文也，固不能免一丘一壑之譏，然格律未嘗不嚴，議論未嘗不正，亦本朝作家之一也。又安得而盡廢之，歸震

川有言文章至唐宋大家直可起秦漢諸古人而與之頡頏於數千百載之上，今必欲盡抹首尾盡廢段落，是唐以後書真不足讀矣。母乃吹王李之餘焰耶。且漢以前字濃，唐以後字淡，漢以前氣厚，唐以後氣薄，此亦天地運會使然，未必盡關作者，亦猶帝降而王，王降而伯，有自然之數焉，不可強也。計漢魏之世以文章自樹立者，何帝千百人，然無法者必不傳，而傳之今者必皆有法。梁太子昭明文選可謂綺麗之至，然其爲首尾段落者固自在也。司馬遷一代史才，蘇子由稱其遊歷名山

師經堂集卷六
大川故其文疎宕有奇氣然柳子厚之論文也曰本之
太史以致其潔夫使其無首尾無段落而又何以成其
潔乎屬因論文有感敬以鄙陋之見質諸高明未審閣
下以爲然否

上新城先生書四

頃辱手教深感注存反覆循環不異侍函丈而接珠玉
也今

天子以望外之恩肆赦天下秩宗大典非重臣不足以
徹幽明乃華嶽與區錦江勝地獨以畀我夫子豈非山
川雄傑處固將藉斯文宗主一煥發其扶輿磅礴之氣
乎古人謂遊不盛則文不奇司馬公縱覽天下名山大
川故其文疎宕有奇氣然此第爲文人言之耳若門下
之在今日則異乎是啣君命之重馳驅萬里勞王事則

其忠也格鬼神則其敬也播聖恩則其仁也藹然肅然
精誠肆達豈沾沾爲文字計哉然情深而文自至矣朝
元閣下再來黃絹之辭工部溪頭重拂草堂之蹟雄文
偉製絡繹紛披正恐奚囊收拾不盡耳太師公請減福
藩贍田一䟽卓絕千古誠如尊諭當圖補入選中使節
匆匆極不欲以筆墨之事上千記室然拙選一序蒙許
已久且三百年大儒著作所係非大序不足以冠之福
星西去雲樹蒼茫倘得於軒車構思郵亭命筆則成此
易易萬望緘寄爲感臨穎瞻切不盡欲言

答少宰趙玉峯先生書一

久失奉侍寸懷耿耿炎威方盛伏惟門下道履萬福甚
慰甚慰駒留京且兩月矣車塵碌碌浪擲光陰今將東
赴溷陽與及門攻稽古論文之事其有足樂乎抑無足
樂也二十年奔走硯田因以坊社爲筆耕之計文遠之
刻其來舊矣去春與友人羅亦潭明府同事明文因亦
名曰文遠蓋文至行遠而後文之善可知已古文之選
起自昭明昌黎起八代之衰故唐文最盛集其成者則
有吳興姚鉉之唐文粹宋文自穆修柳開尹洙之輩啓

其途。歐陽三蘇曾王之輩。盡其勝。故宋文又最盛。集其成者。則有呂東萊之宋文鑑。元文類。則蘇天爵未成之書也。迄於有明。三百年文章之盛。作者輩起。初年則有宋景濂。趙子常。楊鐵崖。胡仲申。諸君子。皆以勝國人才。沉修積學。及真人起而應之。遂皆黼黻國華。模楷一代。繼之以方遜志。解大紳。雖人品高下不同。在文章家。咸所謂豪傑之士也。嗣後三楊奮起。潤色鴻業。均主文盟。北地起而亂之。踵其說者。遂有王李七子之學。然二川出而諸子秦漢之說。不能與之爭衡。文章正統久而後

定。要當歸之歐曾一派耳。時則又有大洲浚谷道思少海諸先生。海內所謂八才子者。皆矯然自異。不埋沒於時風衆勢中。浸淫晚季。衆論雜揉。然錢牧齋唐叔則婁子柔艾。千子徐巨源。黃石齋曾茀人。皆得斯文之正統者也。夫作者既多。則搜討之功。不易文章遞變。則論定之旨愈難。正德以前。則有程篁墩之文衡。嘉靖以前。則有張東沙之文苑。文範。天啓以前。則有陳明卿之奇賞。崇禎以前。則有何喬遠之文徵。鄭超宗之文娛。黃太冲之文海。孫執升之山曉閣。此外選者。繼出尙有數人。未

知能薈萃千家使一代之文章盡歸裁削否駒竊不自
量當年少時私弄筆墨雅意屬此蓋嘔心者二十餘年
矣庚午之歲遇江右羅子亦潭其曾祖文莊公名欽順
者爲前朝理學名臣今冢宰熊公尊之學統者也諸族
祖圭峯一峯念庵諸先生並以文章氣節師表一代豫
章君爲名人後裔遂欲紹承家學闡發幽光因與駒有
水乳之合此是選所由托始也而豫章君又有令子其
名仰錡兩載以來從駒問業英才勃發殆非井竈中人
物是選叅酌進退之事與有助焉其文章之類自辭賦

詔誥奏疏以及墓銘祭文爲類者九十餘種其爲卷二
百四十其爲書約而計之倍於文鑑其去取之意則以
有關國是有係人心有裨益於綱常名教者爲主而一
切爭葩鬪艷之作槩置不錄大意欲與明史相表裏間
有人果不朽文卽不甚工亦欲存此片言用彰潛德拙
選之梗槩如此昨辱手教許不鄙而貺以大序真前賢
之厚幸斯道之寵光而駒與豫章君喬梓均拜大賜其
爲感荷何可名言都門尙有三日之停倘荷卽吐珠璣
爲東行增重卽當先光梨棗刻日奉呈尤足爲諸公倡

耳佳刻拜受龍翔鳳舞軼虞柳而配鍾王蓬華中得之
光熊熊燭霄漢矣。匆次率復不盡縷縷。

答少宰趙玉峯先生書二

頃奉教知大集已成行將傳示後學爲萬世斯文宗主
可勝懼怵又蒙垂念先人事蹟許附青雲感極涕零不
可言喻。屢欲執筆敘述彙括生平上記室以求一傳。然
痛念先君子賫志而歿。啣哀風木刻腑摧肝吮墨濡毫
淚痕漬紙以是遲徊。婉轉稽此歲月。今將鄞縣誌書一

傳錄上台覽。乞據此錫之片言。泉壤有榮幸矣。先君子
生於萬曆戊午卒於康熙辛未。身經喪亂適逢桑田滄
海之交。備嘗艱苦。而孝行醇篤。事先祖之日短。事先王

母之日長。流離轉徙。不敢絲髮違老人意。承顏順志。委曲彌縫。當先王母病故時。備物盡禮。躬自負土築墳。每遇歲時祭享。潛然泣下。終其身如一日也。生平嗜學。如饑渴博通經史。以王母多病。遂精於醫。而其仁愛性成。不問親疎遠近。痼瘵一體。則實有得於仁者。欲立欲達之學。甬上趙養葵著醫貫。越中張景岳著類經。時人皆未之奇也。先君表章其旨。遂以行世。奇寒酷暑。必以書卷自隨。出門數十里。則朱黃筆硯。攜置行笈。局促蓬底。不異憑几對案也。夜漏下數十刻。讀書不止。盡三鼓方

就睡。比晨鐘初動。又鏗然背誦枕上作淵淵金石之聲矣。自弱冠。至年七十。始終無間。史稱衛武公髦而好學。先君庶幾近之。生平長於詩酒。遇風日晴美佳山水。在目。則啣杯琢句。寄興遙深。尤念醫學爲人命所關。專心撰述。以爲古方不可治今病。倣陶節庵之意。取張仲景傷寒方藥。以己意代之。精於脈理。能決生死於三年十年之外。活人無算。浙東西翕然慕之。乙卯閩逆煽亂。王師駐台州。時症大作。先君赴貝王之名。杖屨所及。沉痾立起。又嘗一至吳門。三至西陵。四至越中。所到交其先

師經堂集卷六
生長者春風化雨隨時俱徧先君醫學以黃帝岐伯爲
經以張仲景薛立齋李時珍諸子爲史寒涼一派有意
屏除然彷彿古人以大儒而集醫學之成者又與朱丹
溪先生相近丹溪之孝友至性同博綜經史又同功存
利濟以刀匕起萬人之疾更同迢迢五百年桐江甬水
天實生之以綰斯民之命豈偶然而已哉然丹溪歿後
其生平事蹟得宋景濂學士之文以傳今先子見背忽
忽七載而生平嘉言懿行鬱而未宣則爲人子者不肖
之罪也伏冀先生哀其志而表之感且不朽先君所著

書有素問鈔註十二卷運氣便覽註八卷論脈指南六
卷本草發微十卷諸症玉籥十二卷重訂醫指六卷傷
寒典要二十四卷虛勞金鏡錄八卷剪紅真髓八卷重
訂婦人規八卷古方八陣八卷重訂新方八陣八卷類
方選雋十卷本草摘方六卷海外驗方四卷內科新法
十卷外科別傳三卷幼科慈筏四卷治痘心傳八卷育
嗣宗印六卷眼學全書五卷類經選要八卷歷代名醫
選案三十卷旭臆居士知非集十六卷凡爲書二十四
種爲卷二百二十八總名曰軒岐學海千古醫學之大

成萃於此矣。每歎明儒如戴元禮、李時珍、薛立齋之徒，本皆湛深理學，不當以方技限之。而一精於醫，遂不得不入方技之目。卽如先君之學，其功力之及人者，以醫顯其醇心篤行，足以植綱常而扶世道者，又懼反以醫晦也。是在先生斟酌而次第之，幸甚幸甚。昔歐陽爲曾子固先人作墓誌銘，子固勤勤致謝，宛轉淒愴，讀其書，油然動仁人孝子之志。今先生鴻文傑作，固今日之歐陽子也。駒雖不文，敢無一言以爲謝。外周烈婦傳并上統惟慈照不宣。

與友人書

崔君足下。僕東海之鄙人也，挾冊到長安，韜光戢影，惟以讀書論文爲事。非有赫赫聲譽，足傾動當世之賢豪長者，足下何緣知甬江有徐某哉？顧乃辱惠致書，加意於僕，勤勤懇懇，文與札來。僕非昌黎、永叔，豈足應劉正夫祖擇之之問乎？雖然，文章者天地之靈氣，道義者朋友之至情，以足下之加意於僕，而曾不一吐胸中，効他山之石，殆非所以下問之心也。故不辭固陋，畧陳梗概。僕生三十餘年矣，自束髮受書，雅不欲因陋就簡，汨沒

於黃茅白葦之習。至年十六七。獲從先生長者。遊源流。血路後。先探討於六經。則漢儒之箋疏。唐宋元明之註解。皆深探力索。不敢遺也。於諸史。則子長之疎宥。孟堅之嚴密。蔚宗之豐贍。幾於服食而寢處之下。逮魏晉。以至宋元。亦皆掇其菁英。汰其蕪類。於文章。則三傳國語之古奧。兩京之醇懋。選體之敷腴。韓之奇柳之峭。永叔之悠揚。眉山之踈爽。潛溪之博大。遜志之渾灑。二川之理法。備至。直接大家。皆嘗密味恬吟。求其神骨之所在。於詩。則子卿少卿之悽惋。子建父子之高健。元亮之孤。

迥。鮑謝之新俊。太白之豪邁。子美之沉雄。悲壯爲詩學。集成頗皆體其性情。考其句律。求其氣格。泳其波瀾。蓋僕之受學也。垂二十年於此矣。雖然是數者。得其糟粕。未敢謂得其精微。獨制義一途。則耿耿寸心。自信足以泣鬼神。而貫金石。往僕選歷科大易文。遠於兩朝風氣之變。剖析最詳。已載之集中。茲不具論。先輩名選。如艾千子之文。定文待韓求仲之文。在文闕。吳次尾之國表。周介生之經翼。陳百史之五十大家。程墨如。張侗初之文。準艾千子之程墨。選湯霍林之課兒。程墨。楊維斗。錢

吉士之同文錄韓求仲之文室名稿如守溪二川啓禎
朝陳羅章艾正希陶庵之類爲目前所盛行者不及縷
縷外如趙儕鶴薛文介鄧定宇陶石簣袁石公徐子卿
方孟旋諸先生初刻稿皆學者目所未經意所不及旁
搜博討復得一百餘家凡此僕皆伐毛洗髓爲精神所
蘊結者也豈一朝一夕之功哉而且會之白文以濬其
源參之註疏以研其解立之規矩以定其骨通之變化
以盡其神若此者敢自謂已至乎抑不可謂不用力也
今讀足下詩古文皆嶄嶄有風力下語奇崛不屑苟同

庸衆人雖其間法未盡老識未盡到從此深造以去其
踏駁自足以登作者之堂至於經史之學未審足下何
如而時文亦所以發明經義者也窺足下之意非不矯
首怒步岸然以金陳自負然而理解多未合辭氣多未
醇議論多未切意者師友講貫之力有所未至歟不然
何足下天才卓犖而時文一道未見涯涘也夫文從何
起有題則有文矣題從何看有書則有題矣故欲講相
題之方必先識看書之法平日沉酣義理涵泳白文使
四子之書朗然若揭星日平日無疑義於書卽臨時無

匿旨於題矣。題理明而後可以審格。如大匠之築室前
後左右。部署整然。格局定而後可以用意。如大將之將
兵。決勝運籌。奇正兼舉。意思足而後可以修辭。如太常
之奏樂。琴瑟鐘磬八音迭用。此數者作文之大節也。至
其神氣之所注。骨力之所存。又有非言語所得盡者。僕
方亦願學焉。而未之逮也。今天下制義之弊。不患不高。
而時患躐等。以求高。不患不新。而每患廢學。以求新。躐
等則壞法亂紀。能免於顛倒乎。廢學則空拳白腹。寧免
於支離乎。非足下沉思好古之士。莫爲一振駒。再拜宣不

與衛爾錫中丞書

自辛未冬祖道西郊。忽忽十年。未得一奉顏色。近晤蕭
山朱用九具審先生道履。萬福深慰。遠念別後。纔兩月
不幸遭先子之變。戴星匍匐。卽日南旋。竟不及一通尺
鯉。此中耿耿。似有所失。比癸酉春再至都下。于陳庶常
莘學處。候問起居。知有尊紀入京。不識會枉台函。惠教
否。嗣後饑驅南北。僕旣不得久寓長安。又知黔事紛紛。
風波側出。先生以名德之重。崎嶇遼左。險阻備嘗。僕目
夜東望。焦心刻腑。飲食殆廢。竟無人爲作致書郵者。嗟。

乎悠悠世路聚散無常萍梗浮沉關何輕重惟是通家
骨肉之好道德性命之交如文駒與門下者情不可謂
不深義不可謂不切而參商契濶邈隔山河寧非天壤
間恨事耶近聞家居著述動與筆墨爲緣將以繼往聖
開來學名山大業較旂常竹帛故當勝之前有河汾後
有文清得先生乃鼎足耳又知遭難以來潛心易學易
固聖人憂患之書也乾坤者易之門而一則曰知險一
則曰知阻六十四卦三百八十四爻吉一而凶悔吝居
其三可知數千百年以來此世界乃險阻世界也當伏

義氏御世之時。徂獯未遠。世方沕穆。伏羲仰觀俯察。畫
卦以盡萬物之情。乃曰屯曰訟曰否曰蠱曰噬嗑曰剝。
曰遯曰明夷曰睽曰蹇曰困曰旅曰渙曰未濟。舉後世
人情物態。一一若燭照數計。而龜卜者其險阻之慮。憂
患之情。至矣盡矣。至於文王。姜里。周公。流言。孔子。圍匡。
過宋。阨於陳蔡。其顯顯者。更不必道。故曰。加我數年。五
十以學易。可以無大過矣。韋編三絕。豈泛泛然探陰陽
消息之機。實於閱歷世故中。有深得也。僕嘗謂文章不
根於理學。不足以成文章。理學不經於世故。不足以言

理學如良金入冶。一番煅煉。倍益精明。欲與先生煮茗
焚香。參此消息。惜乎燕山晉水千里迢然。無從振衣請
益於函丈也。文駒年未弱冠。蒙先夫子一日之知。荏苒
無成。自傷老大。然不自菲薄。雅負斯文之志。竊念明朝
三百年著作散漫無紀。因薈萃菁華。勒成一集。又念
本朝定鼎垂六十年。臺閣山林。豈乏作者。不及今蒐羅
採掇。將與蟲魚花鳥共此銷沉。士各有心安。能忍此因
復旁徵博採。斤斤持擇。竊取東萊文鑑之意。取其有關
國政有補綱常。有裨益於禮樂制度。儒林道學者。顏曰

皇清文遠安谿先夫子墓誌敬列集中先生郭烈婦傳
亦引重拙選恨未得一窺全集。置身於瑤池瓊圃間。盡
收拱璧也。北風便羽。尚希惠我大作。垂法千秋。暑熱伏
冀爲道自愛

與黔撫劉中丞書一

駒聞欲治之主不世出。佐治之臣亦不常有。顧有一代之君。必有一代之臣。而文章功業互相表裏。始足以成一代之治。其在三代以前者。不具論。漢之興也。蕭曹以功業。賈董以文章。唐之興也。房杜以功業。韓柳以文章。宋之興也。韓范富以功業。歐蘇曾鞏輩以文章。大概立功立言各有專主。而其中如韓退之。如歐陽永叔。如蘇子瞻兄弟者。位與文顯。其文章炳炳烺烺。爲世傳述。卓然更以功業著。二者殆能兼之。王介甫以絕世之才而

自經堂集卷六
駁雜未醇學術至於禍宋遂不得與諸公齒要之爲功
業爲文章二者固並重而不可偏廢也閣下奮起西陲
以直言亮節聳動天下歲在辛巳曾一造大人君子之
門碌碌往還未經謀面然已心折閣下知爲光明磊落
迥異乎世之斗筭齷齪專爲榮身家肥妻子之計者及
閣下去諫垣秉使節宦蹟所至赫赫有聲逮閣下歸隱

關西會

天子西巡狩一旦起公田畝寵畀以地方民社之寄恩
綸疊至數歲三遷洱海昆池悉載郇伯召公之澤夜郎

貴竹一化蠻烟瘴雨之風其渾融而博大也如天地之
生成其委曲而綢繆也如父母之怙恃真可以答主知
酬恩遇矣及全蜀之民困于積弊蛇盤蚓結告訴無門
誰披鄭監之圖莫請哀鴻之命而閣下以地方之事爲
身事并以隣省之民爲吾民慷慨敷陳盡言入告

天子赫然動聽徹底澄清俾苛政垂斃之民生死肉骨
是大有造于全蜀也今天下高牙大纛實心任事者幾
人獨閣下爲國爲民甘居怨府一壺砥柱爲人心世道
力迴旣倒之瀾比之韓范富諸公可以不媿而駒也少

不自量丹黃執苑積有歲年于前朝古文則有明文遠
之刻宋方而下艾千子錢牧齋而上三百年之文獻寓
焉雅足與明史相表裏于本朝古文則有皇清文遠之
刻起自

世祖章皇帝以逮

今上山林臺閣薈萃一編其中闡發幽潛表揚忠孝顯
微抉隱頗極蒐羅評騭之功于制義則有萬首含英集
之刻起宋王介甫訖康熙己丑五百年名文傑作盡入
選中既爲韓求仲艾千子諸選留展百年之力而且使

珠光劍氣埋没人間者搜抉而出之已經行世者拂拭
而新之無美不收無題不備自謂宇宙間必不可無之
事普天下學者必不可少之書其他五經疏解各有成
說亦欲希光先聖祖述前賢未知此願能必遂否至于
詩古文一道不敢謂能作之而謂能知之本欲錄呈數
十首奉求郢削適湯君去速未暇別書謹以舊本三十
七首附呈記室未審有一節之可錄否楊子雲曰雕蟲
小枝壯夫不爲閣下偉績豐功焜耀竹帛此瑣瑣者本
不足以塵乙夜之觀然而文章固天地之元氣也道之

顯者謂之文故立言與立德立功同此不朽倘有片言之合幸賜還荅并乞以今古文惠教俾得借光拙選增重千秋幸甚幸甚去年與盧建昌入蜀將以著述之事相助爲理適滇撫吳中丞原屬舊好時爲蜀中方伯以季子爲托延請至此曾作近華浦之遊獲拜生祠凜然見大人長德巖巖氣宇惜尙少碑記倘能縷述宦績俾駒作文一道勒貞石以壽千春亦快事也昔韓歐蘇諸君子各有上當事書具載本集彼其意皆有所挾亦皆有所求而駒也學殖荒落筆墨蕪淺無可挾也以閣下

一代偉人特伸片紙以誌高山仰止之義無所求也然古之大人君子每不惜弘獎後進以成一世之才如裴晉公之于持正歐陽公之于子固蘇長公之于文潛其相須殷相遇未常踈也韓退之有言曰莫爲之前雖美不彰莫爲之後雖盛不傳閣下以爲何如孫子未先生方今之歐陽永叔也與駒交垂數十年矣并以此諭之辛卯十月十六日巳丑進士徐文駒再拜謹上

與黔撫劉中丞書二

辛卯十一月十九日

昨來紀去速率附數行意中未傾吐萬分一也比審道
履康勝尊恙當有勿藥之喜念甚念甚日來讀先生擬
墨去枝留幹去幹留神鐵骨稜稜霜風冽冽于題之罅
縫無不到於聖賢之精理無不合其說得沉快處直是
深錐痛椽一棒一痕如暮鼓晨鐘喚醒多少當與考亭
傳註並垂天壤可也每嘆天下事有因襲之弊有雷同
附和之弊有卑污淺陋自安庸下之弊卽如文章一道
學術所關乃自欺欺人敲門石子一盲者從而倡之百

警者從而守之黃口小兒僥倖一第便以爲金科玉律
活剝生吞摹倣陳言規撫套括忘本來之面目學優孟
之衣冠其極至于波決川奔如水赴壑此因襲之弊也
杜甫千首詩無一同者王介甫喜人同已坡公以黃茅
白葦喻之而今人文字萬喙雷同卽一人之身千篇一
律其蹊徑可數言而畢也其議論其詞采其步驟出落
亦可數言而畢也求其自出見解自成氣格生生化化
轉換不窮千百中有一二哉此雷同附和之弊也自古
來舉頭天外代不數人膠漆盆中人無遠志大率以富

貴爲極致以貪冒爲本心以患得失爲仕宦之秘經
以獻媚獻諂爲進趨之要訣寡廉鮮耻碌碌成風而其
禍乃發作于文字或柔聲下氣有巾幗而無丈夫或弄
粉研朱有桃李而無松柏或如倚門獻笑我見猶憐或
如持鉢沿街乞餘不足此卑汚庸下之弊也而先生擬
墨獨能破荒而出自我作古標新領異字字驚人要只
是題中自有之義理題中自有之議論靈心慧眼見得
真說得出耳而且嶄然七作絕不雷同妙處只在熟讀
白文和盤托出顛之倒之左之右之橫說豎說頭頭是

道其嶄巖處其直捷處其刻劃沉摯處聳身泰嶽不足
爲其高也探珠鮫室不足爲其深也天馬行空神龍戲
海不足爲其奇也可正人心可扶世道可箴學術可藥
膏盲可振普天下畏葸退縮之風可作凡學者怠惰苟
安之氣盛矣乎今日乃有此文乎亟欲收入拙選傳示
萬世珠光劍氣要令世界知富貴利達外大有事在耳
子未先生嶽嶠磊落持論嶄嶄亦千秋萬世士也黔中
有兩大賢手扶宇宙心貫日月世教所以不墜賴有此
耳何時得一叩鈴閣盡吐欲言奉至教于大人君子之

側耶冬寒加重不盡縷縷

與孫子未先生書

辛卯十一月十九日

今○天○下○皆○繞○指○柔○耳○向○讀○門○下○諸○選○冰○心○鐵○骨○力○挽○頽
 風○為○天○地○留○一○綫○清○剛○果○毅○之○氣○然○而○浮○沉○詞○苑○將○三
 十○年○落○落○漠○漠○守○其○故○我○世○竟○無○有○知○先○生○者○而○獨○賴
 皇○上○知○之○不○有○金○張○許○史○之○先○容○不○有○三○事○大○夫○之○推
 轂○冰○壺○玉○尺○臨○照○夜○郎○此

天○子○之○明○遐○荒○之○幸○也○但○世○皆○尚○圓○而○我○獨○方○世○皆○尚
 曲○而○我○獨○直○世○皆○尚○巧○而○我○獨○拙○世○皆○尚○速○而○我○獨○遲
 今○而○後○知○險○知○阻○得○無○以○盡○言○為○戒○乎○乃○窺○門○下○之○意

守之愈固執之愈堅感惜遺珠淚痕漬紙歎劉蕡之下
第恨鏤鄒之無光正氣直辭動搖山嶽如南史氏執簡
而往如漢朱雲請尚方劍欲斬佞臣一人頭其盡言者
如故也又得無錚錚易缺以直道爲迂乎乃窺門下之
意不避嫌怨不尙雷同薑桂之性老而愈辣爲天下才
人志士發舒憤懣剖露鋒鏘爲天下冬烘頭腦一流針
砭膏肓驚醒睡夢悚然若雷霆之震耳蹶然如棒喝之
當頭其直道者如故也吾今而後知門下爲君子爲大
人爲義夫烈士他日修國史則是非曲直無所迴護足

以繼春秋而匡班馬之不逮者必門下也他日總憲職
則民生疾苦國家利病盡言入告爲陸敬輿封事蘇子
瞻劄子者必門下也他日躋卿列秉國鈞則以宇宙事
爲身事挽回世道拯救生民如范文正先天下之憂而
憂後天下之樂而樂者必門下也天下有真氣節然後
有真人品有真人品然後有真學術有真學術然後有
真文章故先儒謂東漢之氣節一變至道使李膺范滂
之徒而得親事尼山與霑杏席則升堂入室其入道不
在仲由之下以門下之磊磊落落不謂之勇配子輿氏

得乎汗血天馬之句。媿不敢當。然今天下之士。簪筆而
立。承明者。纍纍若若也。其文學未知何如。竊謂門下不
以史館重。史館以門下重耳。明文以歸震川爲第一。偃
蹇下吏。高相國援之甚力。僅至太僕丞。今人動稱王弼
洲。李于鱗以其能爭長。黃池樹立。坵坵彼其人。初不由
史館出也。千秋萬世。竟以爲何如人哉。文駒學殖蕪淺。
何敢希光掠影。竊附後塵。所以云云者。感門下知我之
意耳。康節曰。寬一分民。受一分之賜。今天下民生吏治。
困頓極矣。文駒倘得一亭一障。亦欲稍自豎立。不至與
流螢腐草同汨。沒于天壤之間。其遇不遇命也。我其如
命何。劉中丞當代賢者。遠辱還荅。更致數行申謝。乞門
下取而觀之。并以此札示中丞。其有當乎否也。

與劉檢討書

丙子二月初五日

自癸酉冬奉教遂成契濶門下清輝雅望與日俱新一
 代人宗式瞻斗極自愧硯田奔走僻處京東雖素蒙教
 育如先生者亦且睽離日久種種疎畧空梁落月不禁
 恟怳而若有所失也中州稟天地中和粹美之氣名儒
 輩出代不乏人如日月之當中如嵩山之作鎮非若偏
 方下土僅得一枝一節而已今

天子館閣儲才英流蔚起矯矯者固自不乏然求其含
 弘光大表裏瑩然韓昌黎所謂鳳凰芝草庸愚亦知其

美瑞青天白日奴隸亦知其清明此唯先生足以當之
不數數覲也文駒索處漚水荏苒二年不得望清光接
步武時以爲恨然兩載來勉自策勵實亦不敢自棄
者古人謂窮愁著書如左之傳屈之騷馬班之史莫不
有所撰述以圖不朽于天地其後昭明太子遂有文選
一書則以百氏之文章鎔作一身之模範此又著作之
變例也嗣是丹鉛甲乙選者紛起咸以昭明爲例然不
過如微星嚼火旋照旋閉則亦等之雲煙過眼而已上
下千百年來其歷久不磨彪炳宇宙者獨有唐文粹宋

文鑑元文類耳以其囊括百家網羅一代與政事世道
相表裏國可滅史不可滅則文章亦不可滅也唐宋元
文章盛矣然亦鐘釜齊鳴雅鄭間作使非有人焉裁別
而薈萃之則散亂無紀斯文不能免墜地之嘆然則選
者之精神心力故當與作者並傳不可偏廢也○有明三
百年文章之盛亞于唐宋而其中盛衰醇駁之故則倍
于唐宋自正德之季便有選本沿流而下從事甲乙者
不下一二十家然未有集成如唐文粹宋文鑑元文類
者此亦著述家之一恨也小子不敏僭當此任自四明

讀書而後越山吳地偃蹇蓬底其惓惓不置者唯明文
是念搜羅文集殆過千家做篋中選本亦簡閱殆盡由
是明文遠一家之書成矣兩載以來承居停之雅遂殺
青以布天下不敢遂謂與文粹文鑑頡頏千秋然其闢
幽發微留意一代綱常名教之事則寸心耿耿纏綿篤
摯皇天后土實式憑之未敢多讓也刻事未完告竣者
得十之六七敬以全書呈覽仰希教定其間一知半解
或離或合既欲就正于先生而且見兩載索居耽心撰
述其踈畧于形迹者正自有故或尙不爲大賢門下之

所擯也伏冀示其可否而進退之幸甚幸甚

師經堂集卷七 書二

甬江徐文駒子文著

與錢京兆雷寧波府義塚書

竊惟盛王之為政也。使天下養生送死。各遂其欲。以為人道之始終於此備也。獨羈旅之人。捐親戚。棄墳墓。悽楚鬱結。不可為懷。是以先王有通商惠賈。送往迎來之政。其不幸而死於道路者。掩骼埋骼。則有司存。蓋既恤

其生又恤其死先王之加惠遠人也若是京師固五方
雜處之地也自敝郡至京四千餘里京師古燕趙之國
地極於北而寧波爲郡負山面海地極於東越勾踐謂
夫差曰吾置王於甬東之地卽今寧波是也東與北之
相去其遼濶如此然敝郡人多田少縱有漁鹽蜃蛤之
利爲物幾何故挾一技而來京者比他省常數倍間或
數奇不偶偃蹇蹉跎而饑寒窮困之夫貿貿然來無所
棲止多致喪身失命於是生無以爲養死無以爲墓
骸朽骨其不爲烏鳶螻蟻之所食者幾希矣前朝萬曆

年間四明相國余公有丁沈公一貫念桑梓之誼置寧
波義塚一區方圓若干里用價置買現有石碑可據所
以厝寧郡之人客死都下者其地去南安門不二里在
扶梁廟右置守塚一家又建石碑一座具載歲月首尾
以防侵蝕以備查考自萬曆至今遙遙百五十年矣方
郡人之至都下也上焉者欲如終軍棄繻樹立功名以
自表見次亦冀乘時邁會縮半通以榮妻子邀一命以
足平生親串沐其餘光鄉黨誇其志得最下者亦望分
霑剩馥波及殘膏勞苦餘生粗安溫飽跡其志有大小

才有高下遇有豐嗇而迨至鐘鳴漏盡無不欲歸骨於
先塋祖隴之間狐死首丘固其始願豈意孤身萬里一
葉危濤甫切春暉白雲之思遽櫻霜露風寒之疾一朝
奄忽命也何如方感生離竟成死別淒風苦雨傷骨肉
之無依烈日嚴霜愴旅魂之不返此纍纍而若若者獨
無父母妻子乎哉得此半坏淺土少免暴露之傷當亦
仁者所同惻然者也今大興令忽有城南圈地之議欲
將寧波義塚一槩剗平付與園頭管業無論前人價置
之地歷年久遠大與官地不同即使其爲官地而數千

萬○人○之○旅○櫬○一○旦○棄○爲○糞○壤○數○十○百○年○之○骨○殖○一○旦○委○
諸○狐○貉○尚○爲○耳○目○所○忍○見○聞○者○乎○竊○恐○奉○令○承○教○者○不
深○惟

皇上子惠元元仁均存歿之意而猥以有主義塚與無
碍空閒官地等類齊觀使倣郡四千里外之旅魂不安
尺土其冤痛實甚伏惟門下百寮之準三輔內外咸屬
統轄方欲以薰風惠雨上佐

皇仁則此等固仁人君子所動念也望門下切致令君
反覆開導使知義塚非可圈之地價買非侵占之場棺

骸非可棄之物。使百餘年殘棺旅骨。聚集一丘。若蓬蒿
○ 蘇竹不可紀極者。統得粗安於日照月臨之下。庶幾荒
○ 烟無恙不干天地之和。而墟墓依然免作啼鵑之血。豈
○ 惟寧郡之祖孫父子實式憑之。卽六合以內。上下神祇
○ 亦陰戴門下萬萬載名德矣。

義塚歷年既久。荒烟蔓草。不忍寓目。方與同里諸君
子謀所以經理之者。適值有圈地之議。是時婁東錢
再亭先生爲順天京兆九月初二日。予親造其第。痛
切言之。并致是書。以達欵欵之意。錢公惻然動容。許

爲道地立諭。大興縣王使君由是圈地之議遂寢。夫
陵谷可改。而義塚爲千萬人旅骨所埋。必不可改。竊
念人世之升沉聚散。渺不可知。恐無藉奸民陰懷不
逞。復有居此地爲奇貨者。因刻是書於石。陷置壁間。
使守塚之人。可爲根據。他日或風波側出。有所恃而
無恐。此予惓惓不忘故土意也。後之君子。宦遊都下。
其尚篤桑梓之義。封而植之也哉。庚辰九月初六日
文駒又識

州諸路米以自給而寧郡東門一帶正當舟車輻輳之衝闐闐紛囂百貨迸集各有牙行以爲經紀而其中有米行者尤千萬人之命所倚藉也朝而饗則朝取于是夕而殮則夕取于是無守候之苦無擔負之勞無往來匍匐奔走馳驅之瘁數百年人情土俗習爲固然乃近歲忽有北門罔利之子倡爲異說欲以東門米行移置北門前此者當事不察竟成厲禁其爲說曰君子周急不繼富東門百貨填委煙火稠密北門則一望榛莽人跡杳然冷熱不均盛衰迥別今以米行移置于北禁絕

東門庶幾絕長補短稍破北門淒涼蕭颯之氣噫亦謬矣夫東門自古爲盛其需米也甚多北門自古爲衰其需米也甚少權衡輕重正當以北門之米行移置東門耳况東門北門聽其自便無所事于當事之明禁哉食者民之天也一日不再食則饑今忽以民生日用之需爲地方觀美之具輕重倒置痛癢無關此與晉惠之告左右何不食肉麩者何異爲說者又曰東門外大江爲限賴有浮橋濟之一開米行則米船鱗集勢必衝犯浮橋重煩修理故今之移置北門者爲護浮橋計也夫江

下之船何啻千百漁船若干柴船若干鹽船若干其最大者洋船又若干莫不下係民生上關國課不聞以浮橋故禁絕之也他船不禁而獨禁米船爲公乎爲私乎亦大失稱物平施之道矣况繫船業有界牌爲限去浮橋甚遠一越界卽執法繩其後煌煌三尺誰敢干之前任憲副王公名舜曾議每歲修橋令米行湊銀百兩則是東門外之米行微特于浮橋無損且于浮橋大有益也宋蘇軾有言曰君子未論行事之是非先觀衆心之向背大約民情之所向卽爲利民情之所背卽爲害寧

郡東門一帶自米行禁絕以來兒女啼饑細民失業江以東則守候風潮動經一日枵腹以待升斗之來而東南百姓離北門皆十數里又皆旱地無一葦可航而去者肩挑步擔往返艱難其苦萬狀冤憤之痛上徹九霄民情之有背而無向久可知矣倡此議者不過一二富家就北門造房幾所希圖租稅之入若不禁絕東門則荒郊冷地孰肯過而問者故以貪婪無厭之謀爲陷阱牢籠之計天怒人怨皆所不恤亦可謂爲富不仁之至矣今門下爲闔郡之主六邑內外咸在懷保怙恃之

中○况○東○門○北○門○近○在○几○案○何○一○非○我○赤○子○地○分○東○北○門○
下○所○以○長○養○而○曲○成○之○者○不○分○東○北○也○計○莫○若○盡○蠲○
宿○禁○或○南○或○北○一○順○輿○情○其○情○而○樂○安○于○北○也○則○聽○其○
開○張○于○北○何○碍○于○東○其○情○而○樂○安○于○東○也○則○聽○其○開○張○
于○東○何○損○于○北○天○空○海○濶○魚○躍○鳥○飛○一○任○人○心○之○所○欲○
而○聽○其○自○為○之○所○則○所○以○舉○民○利○者○在○此○所○以○去○民○害○
者○亦○在○此○而○上○之○人○除○苛○法○布○新○恩○造○地○方○億○萬○載○無○
疆○之○福○又○未○必○不○在○乎○此○也○門○下○精○明○渾○厚○宿○有○兼○
長○方○將○遠○承○祖○德○以○化○導○天○下○此○事○是○非○損○益○片○語○了○

然○寧○煩○治○某○之○喋○喋○耶○所○以○諄○復○而○詳○告○者○為○桑○梓○計○
耳○為○細○人○壟○斷○之○狡○獪○貽○患○地○方○計○耳○伏○冀○門○下○鑒○
此○孤○悰○合○之○輿○論○舉○數○年○來○之○積○弊○而○盡○汰○之○幸○甚○幸○
甚○

與竇靜修檢討書

辱惠教尊稿焚香盥手展卷急讀竊謂此論學之書非
雕虫之技安敢以時文目之僕於制義一道攻苦有年
自洪永至本朝凡大家作家之文無不寓目者一切庸
腔爛拍滑調油詞則屏棄不道凡可以登制義之堂者
因第爲三等有名雋之文如明之徐子卿方孟旋包長
明曹遠思王茂遠本朝王言遠戚价人之屬是也上之
有才子之文如明之陳羅章艾楊維節陳臥子金正希
黃蘊生本朝劉克猷熊鍾陵之屬是也更上之有大家

之文如明之王唐瞿薛歸胡湯楊趙高邑周萊峰之屬是也三等而上則又有大儒之文不敢置之時文之列者如薛文清王文成劉念臺諸先生皆千古人物其理學其事功其節義日星河嶽表表在人耳目矣吉光片羽時復見之制義則嘗寶之重之以爲此論學之書當與六經諸史並壽天地而又歎咸英韶濩無能繼此響者今乃忽於門下文見之蓋門下之文真大儒論學之文也平日理學功深有邵子百源山中不爐不扇之力於聖賢心坎密契千年所得不在形聲訓詁之內間以

所得者發而爲文自成見地自立議論自寫道理與時文何有哉然而筆力之出入於韓歐也詞句之取裁於左國也段落結構之沐浴於先秦兩漢也不拘拘於法而法無不備此如伊川程子考亭朱子皆不屑以文章名世而每一命筆則意高法密往往得史漢之精神無他道勝故耳然則門下之文講學明道之文也進而求之薛文清王文成劉念臺諸先生可不謂升其堂入其室者乎一概評文套語全用不着世有侯芭李漢其人者決不以某言爲阿所好也謹先舉大綱其曲折必面

自給堂集卷一
悉乃盡駒再拜不宣

復朱竹垞先生書一

讀所示古文意真語朴格老氣蒼而其足與荆川震川
相伯仲者尤在一潔字自昔搽觚之士人欲名家其議
論才情或不無作者之意然而拖泥帶水瓦礫雜投往
往瑜不勝瑕醇不勝駁於是有堆垛之弊有裝飾之弊
有函蛇添足之弊有疊床架屋之弊有買菜求益之弊
有外強中乾之弊有零星補湊前後不相貫注之弊此
非不欲潔也不能潔也○潔○之○根○柢○在○心○心○地○不○清○穢○氣
滿○紙○于○何○而○能○潔○耶○潔○之○本○領○在○骨○骨○力○不○峭○濁○氣○薰

蒸又于何而能潔耶。柳子厚曰：本之太史以著其潔，太史公所以能潔者，以其縱覽天下名山大川，胸中無一點塵氣，故落筆疎宕，擅絕千古。然老泉尚嫌其因襲，尚書左傳國語國策以未盡潔議之，甚矣潔之難言也。蓋文至于潔而文之妙不可勝用矣。唐荆川博極群書，其所著左編右編文編稗編武編，何所不有而見之文字者，清真峭拔，不染一塵。歸震川之文推爲有明第一。然荒江老屋，獨往獨來，能與王李薰天之燄抗衡角勝者，唯在淘洗乾淨，得司馬子長之潔而已。近世如錢牧齋

之才，其光芒氣魄實堪籠罩一世，而識者譏其好醜互見，無他，正坐不能潔耳。先生生當斯文絕續之餘，古調自彈，抗懷獨立，不阿世好，不昵時腥，竊以爲先生之心與先生之骨可謂潔矣。潔故揮毫洒墨，抒寫性情，詩旣獨詣，古人文更不可一世。大都自根立榦，緣質生文，率性而行，信心而出，如風行水上，自然成紋，不顧人世之我非亦不求人世之我是，要期于自快胸臆而止。嗚呼！此天地之至文也。蘇子瞻曰：絢爛之極歸于平淡，夫平淡則潔之至矣。此唯先生足以當之。披覽尊集各有一

段不可磨滅之見自當落落孤行丁敬禮曰後世誰相
知定吾文者寧可生當並世不一吐肝膈耶狂瞽之言
不罪不罪丁丑六月甬江徐文駒再拜謹上

復朱竹垞先生書二

尊紀辱臨拜承手教洋洋灑灑博大昌明竊以爲今人
之不及古人者限於時也而要其一往情深耿耿不可
磨滅則古今人各有至處絕不相掩倘謂今古之不相
及而已無論左國之外不復有左國班馬之外不復有
班馬韓柳八大家之外不復有八大家卽以並世論之
班之與馬相去幾何柳之與韓相去幾何曾王之與歐
蘇相去又不知幾何也而要其耿耿不可磨滅之精神
則彼此一律未可以優劣議之又如前明三百年作者

自修室集卷七
十一
輩起。他不具論。其最著者。渾厚如宋潛溪。博雅如王子充。疎爽如方孝直。醇正如楊東里。潔淨如歸震川。峭折如唐荆川。沉雄如王道思。皆一代作者。負泰山北斗之望。然求其如左國班馬者。無有也。無論班馬。求其如韓歐八家者。亦無有也。得非時運使然。才分各有所限乎。而要之一代。有一代之文章。其情至處。各不相掩。近讀門下尊集。稱心而出。文以情深。不假裝點修飾之功。而潔淨精微。言簡意盡。以論本朝文字。其爲不朽之作。萬萬無疑。乃盛德撝謙。深自挹損。此正大君子虛受之意。

而經室集卷七
十四
恐非定論也。至於宦海波濤。賢者不免。坡公海外。益見筆力之奇。子厚柳州。乃極文章之變。一番挫折。一番光彩。天旣以斯文付之。每使身歷險阻。以發露其心光氣魄。千秋大業。舍此誰歸。當不以鄙言爲阿所好耳。明文拙選。頗費苦心。敬呈一冊。以求鑒定。其選事曲折詳具。答趙王兩先生書。今附列首簡。并希郢削。諸晤。悉不宣。

與姚邑侯書

近接舍弟家信具述門下桐音化雨甬水同流有保障
而無繭絲以父母而兼師保此非淵源家學堂構相承
以經術文章黼黻吏治萬萬不能有此甚盛甚盛清文
拙選極荷注存自媿學識謏陋未必與文粹文鑑頡頏
千秋然六十年來臺閣山林蒐羅殆遍爲之汰其瓦礫
舉其苞稂採掇菁英勒爲一集一代之文獻寓焉或亦
大雅君子所不棄乎先端恪公大集焚香雒誦心口肅
然如與大儒元老晤對於清廟明堂之側海涵地負無

所不兼而大要以社稷宗廟之計爲身計宇宙民物之事爲已事日照月臨天上地下一切世界內賢愚貴賤之心爲我心西銘所謂天地之帥吾其體天地之塞吾其性民吾同胞物吾與也端恪公一生學問根柢於此或以爲鼂賈之敷奏或以爲燕許之手筆皆得其一枝一節未足窺全體大用之所在也又或以爲得力於老氏之退一步法或以爲得力於西來大意出入丹霞龐蘊之間皆得其膚理面目未足知精神骨髓之所存也其耿耿寸心一腔熱血先憂後樂憂國憂民痛癢相關

饑溺在體直是古聖賢體忠行恕之學而當其滄田桑海毒矢狂鋒保捍危城功存鄉社其處也公之所樂其出也公之所憂迨至羣口交攻含沙滿地泉石無置身之所而後出膺新命逮事興朝感

章皇帝與今

上國士之知忘軀報國凡國家大政事大利害皆公爲之興革大號令大議論皆公爲之發明以至大變故大風波皆公爲之措拄試念六十年來訐謨碩畫爲廟社萬萬世根本之計者不知凡幾遐陬之赤子無告之窮

民雷霆震撼之時。園土幽囚之地。藉公而保全者。不知凡幾。公豈常尋章摘句。倣古迎今。有意以文字鳴天下哉。然言者心之聲也。夫子曰。有德者必有言。典謨訓誥之文。古君臣從容燕語於一堂者也。而千萬世之至文。莫過於此。公既以天挺人豪。讀破萬卷。信心直道。一罄吐其肝膈之所欲言。坡公所謂萬斛源泉。隨地湧出。筆痕墨跡。字字有忠厚悱惻之意。浮動行間。易曰。修辭立其誠。公之文。公之誠。爲之也。僕所採掇。皆極有關係於人心世道者。其他如元圃積玉。美不勝收。尤望門下畧加修整。重爲精刻。當作一序。以與青雲之附耳。端恪公名在天壤。功在旂常。事在國史。與日星河。嶽並永。千年非樸。邀固陋者所能窺見。萬一然竊以爲知人論世。雅有芻蕘之一得焉。門下其許之否也。

與舜徒先生書一

庚辰六月初六日

地北天南邈然河漢別幾一載寤想爲勞春間試事粗
畢方拱聽大命以決行止而八世兄見過手示宅報數
行許以暫留京邸再需後令此在門下深情雅誼曲諒
其心而不急用其身正如九方相馬鑒別在牝牡驪黃
之外其奈弟東牽西掣慙負知己有媿季布之一諾如
何如何新安故生朱子雅號名區然俗之敝也往往好
利而不好義好爭而不好讓好居積而不好詩書比聞
先生下車而後飲水茹蘗霜雪同清布衣蔬食以勵其

節型仁講義以變其俗。敦詩說禮以格其心。萬仞壁立。一塵不染。其善者沐浴教誨。藹然如霽月之入懷。其不善者洗滌肺肝。竦然若雷霆之震耳。盛矣乎宋有孝肅。明有忠介。與門下合爲三耳。落落千古。茫茫宇宙。畱心吏治者能有幾人。再堅持之以久。鎮之以靜。守之以謙。他日旂常鐘鼎。當有大書特書以紀門下之鴻業者。駒雖不敏。尙能執筆而隨其後也。做鄉某詩文宿老。究心理學于制義。更有兼能里中後輩。皆北面在弟子之列。黃山白嶽。故常遊覽。知門下爲振古豪傑之士。不敢當。

吾世失之。追步舊遊。囑一言爲之介紹。先生扣其所學。定有針芥之投。倘得仰附仙舟。以筆墨居黼黻之任。必能散華落溱。吐納菁英。其爲大君子風教之助。實非淺鮮。制府新去。歸然負大人長德之名。必能與賢者同心。合德差快人意。猶恐獨清獨醒。齟齬處復不少耳。此世界亟須公輩數人。撐持天地。所關豈一郡已乎。朱用九朝夕左右。爐烟茗椀。風味不薄。亦悵然于一年之別矣。秋暑萬萬自愛。

與盧舜徒先生書二

昨聞道駕左顧有失倒屣悵悒無似讀西征記如見其
形如聞其聲流傳千載後乃知灞上棘門真兒戲耳其
說到崎嶇萬里櫛沐黃沙曲盡事情備嘗艱苦如作史
家摹寫昆陽鉅鹿之戰令人毛骨爲悚新安循蹟凡四
十五條含咀迴環天地間不可無一不能有二當以史
家傳信之文傳先生千秋不朽之人他日彪炳丹青別
是一番精彩惜弟學殖荒落筆不足以稱之然士伸於
知已敢不爲先生盡力所欲奉正者自來作記之法卽

史家作傳之法議論敘事相輔成章讀子長列傳政在
實實序事中添毫欲活耳褚先生序西門豹投巫治水
曲折殆盡豹鬚眉長在天地也褚先生尙爾而况良史
乎來教段段實事却段段虛說若櫟括大旨數行足以
盡之故必得實名實案文字方有根柢事之大者得六
七條便足也前歲奉書一首竟致浮沉原稿并新舊二
作統呈記室使先生知我心耳太夫人之喪本欲作哀
詞一首少叙登堂拜母之意然古人云誌銘納諸棺中
哀詞鑱之墓上太夫人彤管之德當垂萬世此文亦非

聊爾可作公知文者決不以遲遲罪也壬午三月二十
三日徐文駒拜手謹上

與盧舜徒先生書三

天涯知己落落無多如我輩乃可謂一管一鮑耳別經
半月知門下道履萬福可勝馳戀寵借尊紀感勒無涯
其人小心勤事真不媿爲伯玉使也弟初十登車廿一
日到濟寧途間有疾風而無暴雨喜免泥濘之累從此
買舟南下去長安日遠寸心耿耿不可爲懷天下萬事
易○求○獨○品○行○文○章○最○爲○難○得○世○間○庸○夫○俗○子○酣○豢○於○富
貴○之○場○醉○生○夢○死○固○無○足○道○然○宇○宙○之○大○不○乏○一○二○志
士○願○附○青○雲○而○品○或○潰○於○垂○成○望○每○隳○於○一○旦○豈○果○名

高物忌良由植根未固在我者先自敗耳今夫松栢之材榎楠杞梓之木不爲霜雪之所摧折不爲風雨之所震撼必其托體者大立本者深然後不與天桃弱柳同此脆薄如門下真可謂植根之最固者矣所望自茲以往益礪名節慎終如始庶幾獨有千古挺然長樹立於天地之間弟亦得簪筆濡毫附以不朽敬以此爲臨別之贈何如何如

與陳莘學書一

去歲入秋而後刻事瑣雜幾如衣絮棘行初聞世兄漳浦之命卽欲束裝就道話別長安無奈衆工聚局已久勢難一時解散蛇盤蚓結百孔千瘡事有不堪爲知己道者比臘盡到都而大駕已先二日發矣悵恨之極爲廢眠食者久之閩中爲大儒發跡之地山川奇峭蔚爲人文而漳海黃石齋先生尤爲近儒弁冕高賢故里過者必式此非所謂先生之風山高水長者乎訪名流之勝地景遺躅于山阿右引絲桐左繙圖史吾道中人定

能以經術經世決不與悠悠俗吏較一日之短長優劣也第聞貴治冗劇比來精神加勝盤根錯節能不憚煩應接否一日事小千秋事大所望不以紛華世俗之見亂其胸中先師貽順德君詩六首極可念也弟目前循例入場神理頽墮九月初卽買舟南下歸葬先君明春再作入都之計家徒壁立然決不敢仰干知己貿然作漳浦之遊唯恐以仲叔猪肝致妨清德耳今歲移寓西城與檢討王君密邇鴻絲托寄因作小序贈之去臘折柳贈言茫然缺畧今一序兩用世兄不罪其踈忽否京

參少許聊寄遠思易鈔二本古方一本一一繳還記室臨毫悵惘不盡欲言

與陳莘學書二

王子北還得捧手教開函披誦如與世兄作一夕話也
別後千端萬緒填塞胸膈中有書所能致者有書所不
能致者何日得延津復合一傾吐兩年來耿耿之意耶
小兒隨黃中丞令子入場竟以長女許字時中丞雖病
猶及與弟親爲締盟越兩月而物化所幸小兒文字近
日稍進峻嶒清峭頗非時俗之文將來或有可造此念
則在貧富窮通之外者也明文拙選刻成者尙少十分
之二今忽徇長安士大夫之意又選皇清文遠新撫亦

在○怨○慮○之○列○知○我○如○世○兄○可○無○大○作○以○光○全○集○耶○郵○筒○
附○致○企○禱○企○禱○此○亦○本○朝○一○大○事○也○昔○蘇○天○爵○選○元○文○
類○成○于○元○祚○六○十○年○之○時○今○甲○子○將○一○週○矣○網○羅○散○逸○
正○自○吾○輩○之○責○斯○文○不○墜○要○在○有○志○者○共○肩○之○耳○作○吏○
難○作○閩○吏○更○難○作○漳○江○之○閩○吏○更○難○之○難○矣○接○去○秋○一○
札○備○悉○種○種○然○亦○意○中○逆○料○其○有○是○者○漳○海○諸○集○并○何○
元○子○經○學○書○聞○得○抄○本○俱○乞○以○副○本○見○贈○今○日○簿○書○之○
外○留○心○古○學○者○更○有○幾○人○恐○不○止○于○晨○星○落○落○也○

復顏學山令侄書

竊聞高義之日久矣東山泗水化雨如新門下世德作
求遠宗復聖之傳近守過庭之訓文章理學源源本本
自非時輩所可幾及獨念時風衆勢最足以汨沒豪傑
之心胸而乃能守其家法通經好古必不肯以他途進
此真狂瀾獨挽無忝前賢一綫之緒者尊先公爲不死
矣某竊謂東西南北四海茫茫惟此文章氣節之交雖
遠若近當其寸心孤詣一往情深前望千萬年之古人
此心同此理同也我得而友之後顧千萬年之來者此

師經堂集卷七
心○同○此○理○同○也○我○亦○得○而○友○之○况○與○門○下○生○當○並○世○自
長○安○至○曲○阜○相○去○不○過○千○里○之○近○乎○近○晤○學○山○先○生○至
情○至○性○卓○絕○千○古○所○錄○浙○江○試○牘○去○枝○留○幹○去○幹○留○神
一○掌○一○痕○一○字○一○血○或○如○曲○終○江○上○兩○岸○峯○青○或○如○葉
落○空○山○千○岩○月○曉○或○借○箸○談○伯○王○之○畧○或○輕○攏○濕○司○馬
之○衫○脫○盡○凡○蹊○獨○標○名○雋○循○此○道○也○正○希○大○士○不○難○衙
官○命○之○而○况○文○止○大○力○乎○願○門○下○三○復○斯○編○知○令○叔○所
以○取○之○之○意○而○因○得○所○以○去○之○之○意○箇○中○消○息○靜○悟○微
叅○文○運○之○興○有○日○矣○今○天○下○以○學○校○爲○市○爭○多○較○寡○攘

袂○攫○金○不○復○知○人○間○有○廉○耻○事○比○其○歸○也○亦○復○循○往○例
飾○虛○名○藉○梨○棗○以○文○不○慧○求○一○言○之○幾○于○道○不○可○得○也
能○如○此○一○字○一○句○鏤○心○休○腎○抗○衡○西○江○五○子○之○間○乎○愚
嘗○謂○功○名○富○貴○過○眼○雲○煙○多○藏○厚○亡○轉○盼○爲○狐○貉○噉○盡
惟○此○文○章○氣○節○斷○斷○不○與○草○木○同○腐○朽○某○向○來○剗○心○文
字○丹○黃○坊○社○積○有○歲○年○近○取○前○明○三○百○年○古○文○都○爲○一
集○大○意○表○章○賢○哲○闡○發○幽○潛○雅○足○與○明○史○相○表○裏○而○又
念○本○朝○定○鼎○垂○六○十○年○臺○閣○山○林○斐○然○述○作○此○亦○有○心
人○網○羅○甲○乙○之○秋○也○因○復○搜○舉○散○佚○有○皇○清○文○遠○之○選

刻成者將十之三四矣謹以一冊附上又聞尊先公垂
心藝苑著述等身倘得便中寄示尤愜所望也人還率
復不盡縷縷

與門下士書

庚午十一月初三日

自到館以後車馬之喧頓絕應酬之跡漸稀焚枯啜茗
傳經課義與二三子砥礪于寒檠敝榻之間解一疑送
一難頗謂此樂不淺齋居多暇因得肆力于古文自史
漢唐宋八家以暨明之景濂震川諸集橫列几上取次
誦之聲琅琅出金石左朱右墨丹黃燦然乃知韓子所
謂人之進未始不爲退我之退未始不爲進蓋有味乎
其言之也竊念天地英靈清淑之氣結爲文章造物者
鄭○重○秘○惜○不○肯○多○予○殆○百○倍○于○科○名○富○貴○宋○元○以○前○無

論已。卽如有明三百年。自洪武庚戌至崇禎癸未。其間
躡科第。躋膺仕者。不下數千百人。此數千百人之中。大
半與草木同朽。腐黃土。烏紗已爲狐貉。噉盡其磊落。軒
天地者。上之道德。次之事功。又次之則唯以文章名一
世耳。故古人謂立言之士。與立德立功共垂不朽。蓋其
聲光氣魄。歷久長新。雖或廟社已非。山川改色。而若人
英靈清淑之氣。如星芒劍花。千載不可埋歿。由此觀之。
君子可以知所輕重矣。諸君子以超羣出類之才。負通
經貫史之識。倘能一頓發憤。茹古涵今。力以前賢自命。

不難與累朝作者先後馳驅。而乃愒時玩日。寂寂未有
所表見。豈不重可惜乎。僕年來困頓無聊。如嚴冬小草
霜欺雪壓。可謂際人生極不堪之遇矣。而倔强排莽之
志。終不屑以此自貶。方且培其根本。養其元氣。以待春
暉之自至。就令天地之氣。有秋冬而無春夏。亦當左圖
右史。終老名山。將以萬世之伸敵。一時之詘。而况諸子
之才之遇。有遠過某什百者乎。昔者魏晉之世。清談廢
事。端以蕭疎慵懶。自號風流。此正晉人習氣。其文章萎
蘼不振。職此之由。吾黨所當鑒戒也。豈謂諸子賢者而

肯有意效之詞直意懇與少資攻玉之助諸君子幸裁
察焉

與季輝三弟書一

自吾弟南歸忽忽一載光陰迅速駐景無方思世間萬
端皆幻獨有剗心學問致力文章是我輩真實受用處
無奈窮愁險阻變恠百出笑啼喜怒我不得而尚之耳
目肺腸我不得而有之迴憶三十年來觸暑迎寒登高
涉水如當風之葉如破浪之舟如衣絮行荆棘之中如
被葛立霜天之外無憂不集有險必嘗所爲何事所成
何事無非爲窮字累耳人情不相遠以禰正平氣骨何
至漫滅刺字以韓退之風節何至三上宰相書以張籍

之詩何至寄書李浙東以謀其衣食乃知才人志士坎
軻抑鬱困頓無聊不能顧其一家并不能顧其一身者
自古及今不知凡幾吾與弟且奈之何哉知我者謂我
心憂不知我者謂我何求使顏子無負郭田何能享簞
食瓢飲之樂使東漢無賢太守則袁安臥雪雖僵餓至
死而入且莫之知也嗚呼窮之爲禍于人若此然而君
子固窮爲豪傑者要在挺着脊梁受得千磨百折則死
中求活其心光智力自與流俗不同左之盲而有春秋
遷之腐而有史記超之傭書而立功萬里之外杜之顛

踣播越拾橡粟以自給而萬古以詩鳴皆善于處窮者
也吾何足以望之後生可畏成此志者獨在吾弟耳財
物入手緣手散盡是病處亦是好處是苦處亦是樂處
唐郭元振讀書太學其家餉錢十萬一舉而贈同舍生
之喪後爲刺史至掠賣部中戶口以贍賓客此種奇氣
故當獨步天壤雖不可爲訓要當以豪傑命之吾家二
親俱喪至戚骨肉惟舅與姊存得來書知極意周旋卽
此便是聖賢學問又非縱情任俠之士所可比擬萬一
矣吾荏苒無成自傷老大虞翻相薄李廣數奇偃蹇餘

生○夫○復○何○望○且○在○都○一○十○三○載○親○見○一○切○功○名○富○貴○轉○
眼○得○之○轉○眼○失○之○與○電○光○石○火○何○異○用○是○摧○心○轉○念○萬○
事○如○水○所○耿耿○欲○酬○者○惟○先○子○生○平○未○了○之○志○耳○軒○岐○
學○海○尚○未○薈○萃○成○編○最○是○一○生○大○事○而○文○章○結○習○漸○老○
漸○深○得○之○性○情○非○關○勉○強○兩○朝○述○作○固○當○斐○然○成○一○家○
之○言○尚○與○以○暮○齒○頽○年○鑽○研○六○籍○抽○羣○儒○之○秘○奧○發○至○
道○之○光○華○意○外○傳○神○博○中○取○約○庶○幾○于○立○言○君○子○萬○分○
或○有○一○焉○其○幸○而○有○成○命○也○其○不○幸○而○無○成○亦○命○也○吾○
其○如○命○何○自○吾○弟○去○後○隻○身○孤○另○不○可○爲○懷○近○更○獨○坐○

淒○然○無○端○痛○哭○所○謂○胸○中○有○萬○斛○淚○也○知○我○者○在○吾○弟○
而○已○別○事○千○頭○統○具○別○幅○一○切○兒○女○子○之○言○不○足○聽○一○
切○田○舍○翁○之○見○不○可○有○立○志○要○在○遠○大○持○躬○要○在○謙○謹○
處○事○要○在○勤○密○與○物○要○在○寬○和○能○如○此○鄉○黨○其○足○以○告○
無○過○乎○吾○方○亦○學○之○而○未○能○逮○也○何○如○何○如○冬○寒○千○萬○
保○蓄○爲○望○

與季輝三弟書二

別紙數行誠如所見士憎茲多口與若輩又何難焉但其情有甚可惡者又有極可嘆者而其實更有最可憐者鄉曲小兒生長于井竈之內無賢父母之教訓無良師友之夾持豺狼之聲墮地已見國狗之瘳任意所如止知以粟傲人而陰賊之性浮薄之態凡可以耗元氣傷善類者無所不曉無所不爲此等子弟蓋天地間毒害之氣所薈萃也平時伍十爲羣同惡相濟如蝎之有尾如蜂之有針如蛇之有口如蜈蚣之有足害氣所鍾

動輒螫人歐陽公鬼車詩云老婢撲燈呼兒曹云此怪
鳥無足儔其名爲鬼車夜載百鬼凌空遊其身雖小聲
甚大翅如車輪排十頭凡鳥有一口其鳴已啾啾此鳥
十頭有十口口掠一舌連一喉一口出一聲千聲百響
更相酬昔時周公居東周厭聞此鳥憎若讎夜呼庭氏
率其屬彎弧俾逐出九州射之三發不能中天遣天狗
從空投自從狗嚙一頭落斷頸至今青血流爾來相距
三千秋晝藏夜出如鶴鷗如某乙者蓋宇內之鶴鷗而
周公之所欲射天狗之所欲嚙也故曰可惡明文之有

選也自程篁墩文衡始也繼之有慎蒙之文則有張東
沙之文苑文範有陳明卿之奇賞有何喬遠之文徵有
鄭超宗之文娛某氏選乃後出耳人各有集集各有選
衆選之外不能禁遏某氏豈某氏之外獨能禁遏他選
乎三百年高文典冊炳若日星旣非金匱之藏書又豈
玉函之秘典習聞而習見者遼東豕也小子無知何足
深責吾鄉老成一輩往往有創此異說者偏方下土同
作牛角之鼠井底之蛙絕不知天地甚大宇宙甚寬文
章境界甚濶蜀之日粵之雪則衆犬羣聚而吠之少所

見○多○所○怪○哀○哉○僻○固○而○狹○陋○也○故○曰○可○嘆○自○昔○小○人○之○
攻○君○子○也○不○起○于○輕○君○子○而○起○于○重○君○子○不○起○于○惡○君○
子○而○起○于○畏○君○子○不○起○于○怨○君○子○而○起○于○妬○君○子○然○其○
究○也○不○足○以○害○君○子○而○適○足○以○成○君○子○千○秋○萬○世○之○名○
竇○憲○之○于○李○固○王○甫○曹○節○之○于○陳○蕃○李○膺○裴○延○齡○之○于○
陸○贄○皇○甫○鏞○之○于○韓○愈○丁○謂○之○于○寇○準○李○定○舒○亶○之○于○
蘇○軾○可○謂○攻○之○至○矣○然○其○實○皆○重○之○至○畏○之○至○妬○之○至○
也○及○其○風○波○既○定○一○二○十○年○之○後○莫○不○以○李○固○等○爲○君○
子○莫○不○以○竇○憲○等○爲○小○人○君○子○如○日○月○雖○蔽○之○蝕○之○而○

光○銳○肆○射○終○不○可○掩○小○人○如○江○豚○匿○水○含○沙○射○人○終○其○
身○沉○沒○于○汙○泥○濁○流○之○內○而○不○得○出○也○故○又○曰○可○憐○也○
語○曰○山○鬼○之○伎○倆○有○限○老○僧○之○不○見○不○聞○無○窮○小○子○輩○
何○足○掛○齒○所○以○云○云○者○爲○吾○弟○見○及○故○耳○天○下○人○材○濟○
濟○不○皆○糊○心○眯○目○一○時○之○耳○目○可○欺○也○萬○世○之○耳○目○不○
可○欺○也○一○鄉○一○國○之○士○可○爲○小○子○輩○膏○虻○拭○舌○鼓○煽○狂○
風○事○過○境○遷○水○落○石○出○千○秋○萬○世○之○士○不○受○汝○誑○吾○與○
弟○但○當○修○其○本○以○勝○之○此○猶○治○病○者○正○氣○足○自○然○推○出○
邪○氣○參○苓○芪○朮○之○類○補○養○根○本○縱○有○積○污○宿○垢○自○當○從○

師經堂集卷八
三十五
大腸中傳送而出不必再用硝黃等蕩滌之物曲爲潤下也會合有期當極論此事然此書不朽小子輩亦不朽矣辛巳三月十四日

師經堂集卷八

賦

頌

碑

甬江徐文駒子文著

園丘賦 有序

惟聖人爲能享帝惟孝子爲能享親嚴父配天其義一也天祚 皇清我

皇上以聖神文武之德膺圖繼統覆載所至悉臣悉庭武烈盛而文教興刑罰清而雅頌作皇極懋建庶績咸

熙風雨以時陰陽協應唐虞三代以後未有倫比休哉
何道之隆乎蓋由

皇。上。心。與。天。一。夙。夜。惟。寅。享。祀。不。忒。以。至。此。也。自。古。受
命。之。君。必。舉。圜。丘。之。典。然。或。分。或。合。聚。訟。盈。廷。其。親。祀
者。或。數。年。而。一。見。或。一。世。而。一。見。誠。意。弗。篤。神。用。不。歆
我

皇。上。御。極。二。十。有。五。祀。萬。靈。效。命。河。嶽。懷。柔。而。必。兢兢
於。事。天。之。禮。郊。壇。對。越。每。歲。舉。行。嚴。恭。儼。恪。之。誠。徹。於
上。帝。陶。匏。繭。栗。之。獻。格。於。蒼。穹。雍。和。豫。順。之。休。感。召。乎

百。神。而。暢。達。於。羣。臣。百。姓。以。致。禎。祥。集。疵。癘。蠲。多。難。平

王。路。一。庭。萃。遠。人。之。貢。史。書。大。有。之。年。所。以。然。者。惟。德

動。天。惟。天。眷。德。也。夫。作。而。不。紀。非。所。以。昭。盛。德。甘。泉。泰

時。非。子。雲。無。以。發。壯。麗。之。觀。岱。宗。明。堂。非。太。白。何。以。表

崔。巍。之。象。是。皆。中。主。之。制。作。猶。須。文。士。之。賡。颺。况。敬。德

如。

聖。天。子。而。可。不。敷。陳。頌。美。揚。鴻。譽。於。無。窮。哉。用。賦。圜。丘。

以誌千載其辭曰

天命有道兮開萬年之休曆

聖人御極兮紹

烈祖之丕績。大一統而無外兮。普弘覆於四方。念景福所自昇兮。凝顯命於穹蒼。祇事郊壇兮。不馨牲幣而馨明德。燕及皇天兮。邁帝王而垂法則。邇夫易稱殷薦書紀。明禋禮謹。犧牲之節。詩詳成命之文。少昊載時以象天兮。嘉瑞乃出。顓頊命南正以屬神兮。舊常始秩。維帝堯之敬授兮。四時以成。有虞禘黃帝而郊。魯兮。七政以平載。稽夏殷郊。鯀郊。契周室配天。厥惟后稷。是皆往聖之弘規。非等末流之曲說。若乃魯郊非分。屢卜不從。秦

祀繁興。鄜衍以崇。覬望神仙之屬。空傳封禪之宗。加黑時於四帝。徇綿葛於孫通。誇天馬之權奇兮。歌赤雁之靡曼。頌金車之烜赫兮。矜玉露之璀璨。典或合而或分。禮或虔而或慢。陋唐制之多誣。譏宋恩之太濫。極後王黼黻之光華。終有遜於帝王之定憲。天啓泰運。神聖篤生我

世祖之取天下也。以乾旋坤轉之力。撥亂世而開太平。我皇上之守天下也。以覆幬持載之量。超夏啓而軼周成。

法天之仁春風四溢法天之義旭日方出奉天以命有德兮策騏驎於天閑羅俊良於隱逸奉天以討有罪兮剪檣杙於藩方收鯨鯢於蛟室是用禮樂作刑罰清德星聚泰階平陰陽順風雨亨麟鳳現嘉穀生惟聖德冥符於天意故天眷日引而彌增皇帝乃命羣臣曰我國家之興實惟帝賚吉蠲用享其敢或怠繼繼繩繩永守弗懈揚列聖之耿光重郊壇之祇戒乃練時日飭儀章制作仍皇祖之舊典文綜祕室之藏萬靈擁護百職匡襄聽天

語之察察擬帝居之鏘鏘除於國南開揭磊砢獸盾騰擎壇遺帖妥雖歷朝之成蹟實盛世之鴻裁正中天而定位尊太乙而昭回觀夫園丘之氣象也則瞳矐爨兀不彩不質似太古元氣之蘊結巍基峻跡若窺若業如天闔地門之開闔潔泰時兮積層臺躋金墜兮登玉階像天之高峻嶺峯嶽類天之圓氤氳周密釀佳氣之青蔥吐祥光之鬱律爾乃轟九霄而嶽立燭萬象而垂文啓丹戶而洞豁錯采繪而續紛風雲捲舒倚日薄月神光飄緲忽出乍沒列斗極於瑤臺聚雷霆於金闕摹玉

樓之玲瓏挂天珠之硨磲勢尊五嶽形張四維黃道上
迎而渾合太微仰對而參差露濕九天之玉樹霜清碧
落之瓊枝貫層霄插碧漢衛紫樞祓浴殿跨蓬壺之神
山吞岱宗之日觀蒿宮深鎖夫蒼烟柏寢遙聯於天半
遵聖王尙質之嘉謨斥康成六天之謬見由是候葭管
護微陽見天心於子夜迎日晷之初長散齋致齋必誠
必敬夙夜有嚴緝熙基命參百王之禮樂今用昭代之
威儀報生成之大德兮承大造之鴻禧

天子乃升金軒撫天僕揚六鑾齊八駮轡蒼螭拖碧玉

播五幡於九衢燦星辰於黃屋整豹尾於後塵盪龍光
於左纛絳籠映紫禁之燈清珮響南離之轂牲牢卜協
兮和鬯馨浮山迎彩旄兮燭照龍旂漏振霄衣兮雲流
天仗星爛甘泉兮露凝疊嶂爐烟裊十里之香蓮炬徹
千門之望於是造壇墀鳴韶鈞列鐘鼓闢勾陳百僚山
立萬乘雲屯天朗其精霧澄其氣藁秸示誠因丘掃地
揖太清於几筵接皇靈於黻黷然後登祝史薦芬芳用
陶匏以象性致牲犢以薦脚儼神祇之肅肅髣左右之
洋洋朱火燔而紫烟起雲門作而蒼壁將舞羽于於級

陞振鼗鼓於層廊陳夏瑚兮飾周簋食雲英兮挹玉藻
橫荔席兮注椒漿產靈芝兮出鳳觜尊

三后以配天兮伸有道之孝思歆百神以從祀兮彰聖
王之盛軌而乃禮九獻樂九成天神格人鬼馨玉女攀
星於珠室金娥納月於璿庭蒼雲霞之杳靄消雨雪之
飄霏發鈞天之廣奏聆萬籟之琮瑋蕭薌遠聞兮既升
中而達臭柴燎高烈兮又奠箏而獻酌列海嶽於瑤編
妥百靈於朱籀於是丹雁集青鳥迎白麟至赤蛟鳴時
上星流知神明之陟降壇前風煖識帝道之咸亨百工

踰踰

聖主穆穆自天降康錫之百福瞻景星而卜大有之祥
受赤符而享萬年之祿雲封冊祝兮金匱藏書風迴彩
仗兮雉尾烟舒澤草綻三花之瑞宮霞燦五色之圖展
鴻恩於海甸兮樂雨露之涵濡德無隱而不達兮若春
谷之吹噓追虞巡兮駕周廟鄙秦碑兮黜漢調屏禪嶽
之丹書法祈天之洛誥歲歲舉行兮惟
天子之仁孝恪恭不懈兮流千載之景曜頌曰天祚
皇清命維新兮於爍園丘禮樂章兮基命宥密

天子誠兮昭假
烈祖配位三兮祇事上皇
燎烟清兮歲惟親祀冠百三
兮懷柔萬靈黍稷芳兮神祇嘉響福壽康兮時和年豐
聖曆長兮億萬斯年厥後昌兮子子孫孫頌無疆兮

南巡賦

臣聞王者制巡狩之禮所以尊天重民典至盛也虞夏以五載成周以十二年載在詩書斐然可述恭惟

皇帝陛下聖神文武度越百王德裕生知性成敦敏猶不自暇逸好學勤政惟恐後時周咨鄙屋纖悉畢照爲宗廟社稷億萬年久安長治之圖往歲伐暴安民親統六師三臨絕塞武功耆定用集大勲靖一方以奠九垓勞一人以逸萬姓功在天地炳炳烺烺非漢唐宋諸賢君所可幾幸萬一策勲飲至而後加意拊循厚澤殷流

滙恩汪濊敷天率土霑被

皇仁固已躋斯世於春臺納生民於壽域矣顧堯兢舜業宵旰時幾軫念河防不遑暇食於是躬行相度再舉時巡精騎輕舟刻期往返減儀衛罷儲待沿途供億給自尙方一粟不以煩百姓又以

宮闈孝養自來無間晨昏况屬內地巡游迎奉最便因請

皇太后鑾輿偕幸由郊畿而山左而淮揚閱視洪流與河臣面定萬年經久一勞永逸之策又念東南民力夙

厘

聖懷隨渡長江臨浙水

車駕所過扶老携幼而迎者以千萬計厘無遷肆隴不輟耘其淮揚被水地方截留漕糧減價發糴仍盡除積欠特沛鴻恩江浙逋賦槩行蠲免宥註誤以勸吏職赦罪戾以恤民生培學校以作人材輕鹽課以紓商力自三五以來觀民設教行慶施惠未有若此之盛也先是甲子巳巳兩舉巡狩之典煌煌大禮與殊恩至德謳誦至今今復舉而行之追禹跡之平成勘黃流之消長節

宣疏淪斷自聖衷綸綍風行大功底定
翠華所至膏澤隨之如天如地莫可殫述洋洋乎真無
前之偉績

神聖之鴻庥也爰拜手稽首而獻賦曰維

帝德之廣運兮總千聖而冠百王普神功於不息兮奠
坤軸而握乾綱懋學勤勤勅幾翼翼奉三無私建五有
極府事既底於歌敘兮聽覽不遺于朝夕頌武功之震
疊兮敷文教之雍容大一統而無外兮瞻萬國之來同
聖主當陽三靈協應惟此河防國家大命往來爲南北

之喉飛輓搽太倉之柄念洪流之叵測兮假水部以便
宜糜金錢而不惜兮興版築之維時顧乃廷議紛紜節
宣莫定黃淮消長而無常羣策變遷而各勝長突美玉
慨陳跡之已非白馬銅龍亦遺編之空剩
天子於是爲民爲國夙夜焦勞躬行相視預勅羣曹職
方先戒於修守兮太卜擇期以告吉供億不煩乎百姓
兮儀衛去文而崇質更有大者

聖孝格天仰承

聖母朝夕問安今茲南幸親奉

慈顏晨昏不離乎左右兮實聖王孝治天下之大義也
合萬國之歡心以事

親兮非登臨高下之娛心志也于時陽春布景晴日迎
葩半溪烟水一嶺桃花斗柄指六龍之旆和風披萬乘
之車駕輕舳而啓路兮河伯効靈於警蹕笑八駿之無
庸兮惟民勞之是恤由是出潞水道津門經齊魯臨河
瀆相地勢之高下兮審衆流之通塞疏淮水以洩黃水
之性兮濬新河以導舊河之脉

天子曰都大禹之明德遠矣翁河長瀆肇自皇初羣工

熙載續禹之謨諸臣拜手稽首颺言曰維

帝勤民親勞宸輅河嶽懷柔各安其故乃稟

帝算乃體

聖心授之方畧往哉汝欽瞻萬派之歸墟兮叶潤下于

洪範信錫圭之有時兮忽橫流之頓減協昌期于千歲

瑤海波澄開闕貺于一朝靈源光湛然且疇咨水利民

隱是謀觀淮揚之巨浸憫稼穡之無收乃沛皇仁截留

漕運發幽谷之陽春起枯苗以膏潤東南望幸後我

至尊黃童白叟載路填闡崢

天○顏○于○咫○尺○仰○屬○車○之○清○塵○維○元○后○作○民○父○母○乃○勞○已○
以○寧○人○于○斯○時○也○祥○飈○送○颿○宸○衷○怡○悅○詢○井○絡○之○濫○觴○
念○導○江○之○往○轍○清○問○下○民○有○隱○畢○徹○渡○長○江○之○淼○浩○兮○
望○北○固○之○嶙○峴○撫○吳○閩○之○繁○會○兮○慰○婦○子○之○畊○耘○浙○水○
士○民○合○詞○恭○疏○赤○子○慕○親○莞○然○一○顧○乃○煩○
法○駕○再○往○西○陵○山○川○有○喜○稚○子○歡○迎○合○江○蘇○之○兩○地○兮○
蠲○逋○賦○以○百○萬○謂○浙○人○之○勞○勞○兮○又○同○仁○而○渙○汗○

皇情日朗周知閭里艱難

帝澤天敷頓起窮簷舞忭又維東南文學自昔所誇言

偃承師既淵源于洙泗季子觀樂亦習禮于周家美餘
霞之散綺寧擅美于丹砂是用式展芹宮用培學校鼓
勵人才恢張文教以及鹽烟商竈盡叨厚德于王綸關
樞舟車悉沐鴻恩于大造鷄竿布令解澤孚也鳳藻騰
輝錫予渥也卷阿藹藹許從臣以省覲之私也奔走鏘
鏘宥官吏以一眚之誤也情無隱而不達澤無遠而不
宣利無微而不舉弊無小而無蠲逮至揚舲振柁結軌
還轅瞻舊京之城闕幸前代之陵園吉蠲爲饕精意奠
尊錄其後昆俾司屋社世守恩及于蒸嘗勿剪仁垂于

松○檟○名○山○勝○水○陪

聖○母○以○來○臨○麗○日○晴○光○奉

慈○闈○而○進○菓

聖○人○之○德○千○聖○淵○涵

聖○人○之○孝○萬○姓○觀○瞻○誦○行○葦○而○忠○厚○賦○既○醉○而○恩○霑○過

化○存○神○美○不○勝○紀○黑○齒○雕○題○望○風○慕○義○于○是○迴○法○駕○旋

飛○軫○奠○斗○極○鳴○韶○馭○蹈○德○詠○仁○歌○風○舞○雅○蹠○躋○百○官○謳

塗○四○野○海○晏○河○清○不○數○四○載○隨○刊○之○蹟○豐○年○大○有○皆○出

省○耕○省○歛○之○餘○蓋○皇○帝○王○所○不○能○及○而○唐○虞○夏○所○不○能

踰○陋○封○禪○之○七○十○二○君○兮○錫○庶○民○以○福○極○巍○巍○乎○與○天

地○同○其○廣○大○兮○貽○千○萬○年○之○典○則○頌○曰

天○祐○下○民○作○之○君○兮○勅○幾○勤○政○德○日○新○兮○河○水○湯○湯○萬

壑○奔○兮○衆○言○盈○廷○議○論○紛○兮○乃○勞

宸○輅○相○河○澗○兮○躬○陪

聖○母○奉○晨○昏○兮○尙○方○供○億○不○煩○民○兮○決○排○疏○瀾○禹○功○存

兮○惟○斷○乃○成

聖○謨○尊○兮○江○表○望○幸○厥○情○慇○兮

翠○華○南○邁○笑○語○親○兮○蠲○逋○發○粟○寒○谷○春○兮○省○愆○宥○罪○惠

風薰兮天章燦爛錫臣隣兮造士右文渥天恩兮慨念
舊京肅明禋兮歡心萬國孝思伸兮深仁厚澤浹乾坤
兮金甌玉燭書卿雲兮億萬斯年樂昇平兮

南巡聖德頌 有序

臣某
伏覩

皇上承乾御極秉道綏猷文武聖神聰明睿知如天之
無不覆如地之無不載湛恩汪濊至德昭明萬國胥來
享而來王八荒悉獻琛而獻費武功赫濯文治雍容巍
巍乎勲業之盛亘古所未嘗有也顧
皇上治益求治堯咨舜傲不自暇逸維此萬方百姓時
厯聖懷蚤作夜思勤求上理尤以河防一事國計民命
所關近者黃奪淮流時多衝決波濤汎濫漂沒田廬

皇○上○軫○念○民○艱○屢○遣○重○臣○督○理○捐○數○百○萬○之○金○錢○而○不
惜○乃○歷○年○既○久○績○用○未○成○在○廷○臣○工○並○請

至○尊○臨○視○詳○觀○形○勢○指○授○聖○謨○令○治○河○諸○臣○有○所○稟○受
以○爲○千○萬○世○一○勞○永○逸○之○策

皇○上○爲○民○爲○國○不○憚○跋○涉○之○勞○諏○吉○戒○期○六○龍○南○邁○又
以

慈○闈○孝○養○自○來○無○間○晨○昏○况○當○內○地○巡○游○迎○奉○最○便○因
請

皇○太○后○鑾○輿○偕○幸○一○時○懽○騰○萬○口○以○爲

皇○上○仁○覆○天○下○之○意○若○此○其○至○而○孝○治○天○下○之○義○又○若

此○其○大○也○猶○慮○供○億○浩○繁○大○發○帑○金○自○行○儲○備○芻○茭○不

以○費○百○姓○供○帳○不○以○煩○有○司○精○騎○輕○舟○刻○期○往○返○市○無

遷○肆○壠○不○輟○耘○既○抵○河○干○周○詳○審○諦○溯○淮○沂○而○思○俾○父

窮○禹○迹○而○念○平○成○高○下○源○流○決○排○疏○濬○千○數○百○里○形○勢

瞭○然○指○掌○從○此○仰○承

睿○算○川○后○效○靈○億○萬○萬○生○人○之○命○有○所○倚○賴○盛○矣○乎○洵

不○世○之○詩○謨○無○前○之○偉○績○也○加○以○東○南○吳○會○閭○闔○噎

斯○賦○輿○區○嘗○軫

帝心周咨部屋爰舉時巡之典副茲望幸之誠隨渡長江臨浙水

車駕所過扶老携幼而迎者不啻以千萬計殊恩翔洽厚澤殷流其淮揚被水地方截留漕米二十萬石仍豁除積欠特沛鴻仁江浙逋賦槩行蠲免共一百數十萬以至輕關權恤鹽煙赦罪人止告訐如春風之鼓萬物如時雨之潤枯苗行慶施惠不可殫述而

皇上之至仁大德霑被乎億萬姓矣沿途供億本出尙方猶念所司扈蹕之勤一切註誤微愆槩與省釋封疆

大吏慰諭有加并在籍迎駕諸臣頒賜御書服物麗天煥日焜耀乾坤俾子子孫孫永爲世寶而

皇上之至仁大德霑被乎大小臣工矣江浙士子向沐右文之化聞風興起日異月新

皇上復加意作人屢經廣額今茲巡幸泮宮芹藻悉沐恩光再於大中小學各增入學名數薪楨樸棧蔚然王國之楨而

皇上之至仁大德霑被乎濟濟多士矣逮至揚軫捩柁結軌還轅紆道鍾山博求民隱瞻舊京之城闕幸前代

之寢園式展明禋訪存後裔俾樵蘇之勿拜弓劍巋然
抑霜露之猶思蒸嘗有托而

皇上之至仁大德并霑被乎勝朝屋社矣所以然者總
緣我

皇上聖德如天存神過化以故湛恩濺澤隨地周流爲
圖牒以求從未有之盛治更有大者每值名區勝地躬
奉

皇太后登覽從容問安視膳靡間朝夕又所謂帝王之
孝合萬國之懽心以事其親也一時人心世道翕然不

變爲薄海內外千萬年之典則爲神孫聖子億萬世之
準繩爲

宗廟社稷億萬代無疆大曆服之本計猗歟盛哉殆皇
帝王所不能及而唐虞夏所不能兼也爰不辭固陋颺
贊高深謹稽首頓首而作頌曰

皇帝神聖度越百王奠安坤軸總握乾綱燭理九圍勅
幾勤政旰食宵衣緝熙基命武功文德萬載嶙峋敷天
歸化率土長春翼翼

聖心自強不息軫念民依周咨稼穡特維黃水南北咽

自○新○堂○集○卷○八
一○
喉○民○生○國○計○恃○此○河○流○浪○暖○桃○花○勢○傾○竹○箭○屢○遣○重○臣○
循○行○堤○堰○水○衡○無○策○空○糜○金○錢○衆○謀○莫○定○羣○議○紛○然○在○
廷○臣○工○仰○求○宸○斷○煩○我○
至○尊○親○臨○水○岸○

皇○心○軫○惻○念○彼○河○濟○告○期○習○吉○爰○舉○時○巡○事○本○勤○民○又○
爲○民○惜○一○粟○一○絲○不○勞○人○力○沿○途○供○帳○取○給○尙○方○務○從○
簡○約○駕○此○輕○航○

聖○孝○格○天○晨○昏○溫○清○戀○戀○

慈○闈○躬○陪○南○幸○雲○開○閭○闔○日○麗○鈞○陳○祥○光○披○拂○瑞○氣○氤○

氲○乃○自○郊○畿○周○行○齊○魯○問○俗○省○方○恬○然○安○堵○黃○童○白○叟○
踴○躍○歡○迎○河○干○駐○蹕○諦○審○情○形○遡○厥○淵○源○發○端○星○宿○積○
石○龍○門○縱○橫○馳○驟○今○時○異○昔○黃○奪○淮○流○鯨○波○萬○疊○衝○決○
田○疇○或○淪○或○排○或○䟽○或○濬○無○使○勢○驕○惟○俾○性○順○煌○煌○睿○
算○綸○綍○傳○宣○一○勞○未○逸○蚤○奏○安○瀾○翕○受○盈○虧○兩○間○至○理○
謀○協○神○人○出○自○
天○子○隨○刊○底○績○大○哉○禹○功○平○成○再○告○翔○洽○仁○風○夾○道○鶯○
花○不○關○宸○臆○惟○憫○蒸○黎○受○災○河○伯○地○窪○水○聚○厥○首○海○陵○
洪○波○泛○濫○屢○歲○輟○耕○

天子曰嘻。亟拯民困。特詔司農。截留漕運。蠲輸賜復。引
養引恬。春回寒谷。喜動窮簷。後我

聖皇。東南吳會。北固南徐。龍旗旆旆。長江東渡。清問下
民。

天顏咫尺。載路填闡。浙水吳山。合詞恭疏。

聖主親民。允爲一顧。將芹獻曝。黔首微情。如子趨父。聚

順家庭。輦道所經。殊恩繾綣。弛此積逋。有踰百萬。鹽煙

官井。與被恩綸。通商惠賈。特減舟楫。璧水澄渟。泮宮有

造。用廣生徒。恢張文教。網開一面。

天子之仁。青災肆赦。嘉與維新。官吏微勞。亦軫

聖意。使過使功。悉寬部議。封疆重寄。責在大僚。股肱心

膺。一體綢繆。在籍諸臣。恭迎

宸輅。向日丹心。得通情愫。

天顏有喜。笑語春溫。便蕃賜予。感結深恩。民隱是咨。再

臨。白下瞻眺。舊京慨思。屋社勝朝。弓劍風雨。淒其躬伸。

拜獻。特致牲犧。錄及後昆。蒸嘗不替。厚澤深仁。昭回天

地。祥開麗日。瑞啓卿雲。親承

聖母。撫此昌辰。萬目聳瞻。

聖人之孝四海尊親舜文有耀山川柴望動稱古先何
如今日恩意連綿獻壽登堂曾吟歌誦何似盛朝德施
深重化成久道三十八年惟
皇仁聖遠古無前士庶攀留願稽晨夕警蹕遲遲俾親
顏色心存

宗廟計日還轅殊恩曠典縷筆難傳紅吐榴花綠翻蒲
葉節届天中蕤賓協律臨軒穆穆問寢雍雍揮絃凝績
物阜年豐察吏寧人振綱肅紀染翰濡毫緝經閱史應
時甘雨洪範休徵澤流草木德感幽明億萬斯年河清

海宴玉燭常調瑤圖永奠

資生臺頌

有序

西江羅子亦潭爲冢宰文莊公後裔文章學問嗣守前人尤精心吏治所至春溫秋肅卓卓有聲庚午秋謁選銓曹得順天豐潤豐固衝邑也右輔帝京左控山海郵亭絡繹奔命不遑而羅子處之裕如一以潔已愛民興利革奸爲務政之暇日則又論文課士酌酒賦詩相與討今古之源流覽山川之秀麗揮毫洒墨落紙雲煙邑西南三里舊有大天宮寺寺創於金天會五年自元訖明以逮本朝幾五百載背山面海老松如戟亦潭顧而

樂之寺西畔有臺臺中有塔亭亭直上突兀橫空雖塔不甚高而臺基助之遂成穿雲碍日之勢蓋豐邑之偉觀也臺上老屋數楹日久傾圮亦潭從而修之邑中士大夫踵和其事整齊黜堊規置一新遂使前後玲瓏八窓洞達近瞻遠眺無所不宜南望滄海之氣與天一色回首北望則羣山環峙晴嵐翠色近撲戶牖於是置酒落之觴既作士大夫合辭進曰今茲之遊樂矣顧臺未有名願求所以名此臺者使君曰唯唯聖天子建置守令所以撫字元元某不敏朝夕唯不稱

是懼况豐邑爲神京左翼畿輔要地尤與遐方僻壤輕重不同而比年以來歲屢不登意政實有關今此臺之建其位在坤坤土也萬物之所養也物莫不生于天而成于地故曰至哉坤元萬物資生乃順承天又曰乾爲父坤爲母今豐邑之望歲也如望慈母焉用敢徼福於山川以塞予牧民之責請以資生命之可乎諸君曰善亦潭遂自爲文記之比次年風雨以時寒暑不忒蝗不入境物無疵厲歲則大有嘉禾瑞麥日異月新蓋臺成於癸酉之秋而甲戌遂食其報天人感應之速若是其

不○爽○毫○髮○耶○夫○自○有○此○寺○卽○有○此○臺○閱○五○百○年○未○有○名○
之○者○名○之○自○羅○侯○始○則○謂○造○物○靈○異○之○氣○至○此○而○始○一○
洩○焉○可○也○且○夫○水○亭○山○榭○珠○宮○貝○闕○間○爲○遊○人○所○吟○賞○
者○何○限○卽○茲○臺○未○修○寧○無○携○觴○挈○榼○徘徊○坐○詠○于○其○中○
者○而○卒○無○人○焉○勤○勤○欸○欸○以○不○忘○民○事○爲○念○則○夫○使○君○
謀○國○之○切○愛○民○之○誠○咸○於○資○生○一○名○見○之○矣○鬼○神○有○靈○
能○無○默○爲○之○相○乎○其○歲○之○豐○宜○也○非○倖○也○今○年○辱○以○令○
嗣○慎○調○守○默○受○經○於○予○爰○爲○資○生○臺○頌○以○紀○之○至○其○景○
物○之○美○人○地○之○盛○予○雖○蕪○陋○請○俟○異○日○賦○焉○頌○曰○

神京奕奕北枕燕山右爲馮翊庚水之灣維此溷陽盧
龍古塞旣拱帝城又通關外旗民雜處繡錯如碁羽書
載道竭其脯資民曰我勞疲於供應誰實字之遂生復
性福星炳照庚午之秋怙我恃我天予賢侯名族大家
豫章爲最理學文章軼倫超類文莊蔚起瑞鳳祥麟程
門嫡系朱子傳人聖學宗風因知有記使君繼之象賢
不替滇南洛下歌者載途况于畿輔忍急追呼吾土吾
家我民我子植其芝蘭鋤其荆枳一天明月百里清風
左携青史右引絲桐時雨乍滋枯苗頓起鼠雀無爭婦

子燕喜政成之暇較藝論文進我髦士督課慇勤更以
餘閑登高作賦周覽山川徘徊烟樹歐陽豐樂逸少蘭
亭此風猶在媿美千齡邑之西南巋然有寺梵閣珠宮
峇嶷聳峙方廣百尺寺西之臺臺中有塔寶鐸聲來俯
視紅塵仰超碧落映日千霄蛟騰龍攫由今邈昔垂五
百年垣頽室敞蘚剝苔斑使君顧之慨然嘆息此實勝
區胡爲寂寂乃營匠石爲邑士先踈櫺曲牖花竹交妍
前望海濤水天一色雁落沙邊鷺眠池側後觀山岫蒼
翠千層晴嵐雲繞暮雨煙凝使君曰嘻茲臺有助位在

坤○方○克○勦○軋○父○萬○物○之○母○生○生○不○窮○九○宮○八○卦○五○數○居
中○其○色○則○黃○聿○稱○中○德○光○大○含○弘○重○唯○稼○穡○爲○民○祝○歲
命○以○資○生○化○工○有○待○洩○此○精○英○癸○酉○之○秋○甫○告○成○事○人
傑○地○靈○遽○膺○天○賜○前○此○四○載○水○旱○多○虞○屢○沾○聖○德○薄○賦
蠲○租○甲○戌○之○春○陰○陽○時○若○甘○雨○和○風○宜○耕○宜○鑿○雲○鋪○萬
隴○浪○捲○千○原○高○低○色○秀○遠○近○聲○喧○九○穗○呈○祥○兩○岐○薦○瑞
物○阜○民○康○百○昌○咸○備○父○老○子○弟○樂○此○有○秋○誰○實○致○之○德
我○賢○侯○侯○不○自○居○善○歸
天○子○曠○蕩○皇○恩○宜○蒙○多○祉○維○主○則○聖○維○臣○則○賢○陰○扶○地

德○臺○亦○有○焉○我○作○此○辭○式○風○有○位○仁○政○仁○心○萬○年○弗○墜

勅開運糧新河功成碑

欽惟

皇上以聖神文武之德。為億兆生民主。天覆地載。子惠元元。而尤念我

祖宗培養之深。為子孫開千萬載無疆之曆。昭事宗廟。必敬必虔。歲時

皇帝東巡狩。至於遵化。展謁

陵寢。徬徨上下。惻然動報本追遠之思。此聖王以孝治天下之大義也。顧

皇陵乃根本重地額設官兵歲需月米不下四萬餘石隨時採辦責之畿東州縣有司米價爲之騰踴

皇帝若曰吁咈哉維此畿東赤子皆我

祖宗休養生息以至於今惟予一人是賴倘以米貴之故饗殮不給懼無以慰我祖考予一人若饑溺之在體若痼瘵之在抱爾諸臣盍圖利之於是三十三年九月先命吏部左侍郎兼翰林院學士臣常書相視近京河道至於天津有言明天順時因薊遼爲經畧重鎮兵餉繁重輸輓維艱乃相度地勢於大沽口西北二十里開

新河一道引南河水直至北河口北塘凡三十里由是漕運之米可以竟達遵化此舊蹟也今淤塞者百餘年矣倘復開之則漕糧截運便於供應

皇帝曰俞我其試哉卽命近臣勘視僉以爲允旋又命戶工兩部臣同天津道臣某丈量估計諸臣聞命悚惕夙夜不遑務期竭乃心力以奉揚

聖天子之不顯休命維時京東州縣其諳於河務老成歷練者莫如豐潤縣知縣臣羅景泐於是部臣率之以往乘小舟出入於驚濤駭浪中所謂新河者地皆沙鹹

鹵薄不能深挖。唯恃潮汐之消長。以行舟非用力專且厚。不能集事。於是確估長若干。濶若干。需工價銀若干。皇上命支正項錢糧。工起於四月某日。告成於五月某日。維時啓其謀者。則原任直隸巡撫。今陞浙閩總督臣郭世隆。總其事者。則今直隸巡撫臣沈朝聘。皆提綱挈領。規畫有方。分其役者。則近河州縣多寡不一。靜海一百丈。遵化玉田東安各二百丈。滄州五百丈。寶坻一千五百丈。而豐潤知縣臣景泐。則手胼足胝。終始匡贊。其身親厥役。以告成事。計二千丈。有餘勞動甚懋。至奉命

監督。則戶部臣某。工部臣某。以及天津道臣某。是役也。工大而不傷於力。費廣而不匱於財。爲百年必世之圖。而不敢苟且於旦夕。有趨事赴功之樂。而未嘗勉強於人情。役旣竣。諸臣咸拜手稽首。颺言曰。自開闢以後。聖神文武之德誠。未有如

皇上者也。篤念陵寢。歲必再至。三至而又體我祖考陟降之意。恤及官兵於此。見皇帝之孝。俯念畿東百姓。唯恐以採辦之故。致傷民力。而爲此委曲。至計以圖利之。不啻慈父母之哺幼子於

此見

皇帝之仁以在內股肱耳目之臣協同外臣而卽令在外之大臣率領庶司百執事知人善任於此見

皇帝之明以百年梗塞之道而一旦開之以千萬載永遠之績而一念決之不以疑事阻成功不以小費妨大計詢於衆智斷自聖心於此見

皇帝之勇由是漕糧截運直抵薊州陵工無採買之勞京東無過糴之患官兵樂供應之易百姓享幹止之寧國脈人心交相維繫用上慰我

祖考啓聖子神孫億萬世無疆之休曆不在是乎天匏子宣房投珪沉馬當時珥筆之臣尙作爲歌詩以紀盛蹟而况茲役之有關國計者哉豐潤縣臣景泐駒之友也諸臣將伐石記功奉宣德意因介景泐以文字屬所不敢辭謹拜手稽首而作頌曰天啓

聖皇纘承曆服撫有萬方以生以育顯謨承烈

祖考是師水源木本昭格以時畿輔之東

皇陵奕奕舞鳳蟠龍有嚴松栢奉先思孝

天子之誠衣冠寢廟環衛如生乃設屯兵特供洒掃資

乃糗糧有司奉詔

皇○心○旁○燭○蔀○屋○咸○周○或○因○採○辦○穀○貴○人○愁○咨○我○股○肱○汝○其○往○試○爲○國○爲○民○策○思○兼○至○乃○衡○水○勢○乃○相○地○形○漕○糧○截○運○米○價○可○平○惟○彼○海○門○驚○濤○濺○日○往○天○順○朝○新○河○是○設○百○年○淤○塞○故○道○以○堙○孰○爲○開○之○天○子○聖○神○諸○臣○拜○首○恪○共○將○事○載○馳○載○驅○寒○暑○不○避○旣○疏○其○涸○又○峻○其○防○源○泉○汨○汨○流○水○湯○湯○有○堰○如○虹○有○亭○如○鸞○滌○其○泥○沙○剷○其○磽○确○引○彼○潮○汐○歸○我○新○河○可○輸○米○粟○可○泛○鹽○鹺○旣○輔○陵○工○亦○資○民○利○維○我○

聖○皇○德○侔○天○地○臣○拜○稽○首○

天○子○萬○年○維○此○孝○治○皇○古○無○前○敬○我○

祖○宗○惠○茲○臣○庶○

七○廟○神○靈○懷○柔○咸○致○仁○以○行○之○明○以○任○之○勇○以○斷○之○不○日○成○之○聖○子○神○孫○凝○麻○罔○極○勒○此○貞○珉○光○昭○千○億○

雲南府黑龍潭龍神靈應碑

辛卯六月二十日

今皇帝聖神文武寸天尺地盡入版圖

帝心所燭無隱不照滇南雖遠在萬里兵民士庶時軫聖懷少司馬郭公秉

天子命節制雲貴二省奉公體國夙夜靡寧然百務攬心而時時以民食爲急蓋食乃民之天也足食有方而時時又以農事爲急蓋稼穡乃小民之依也顧歲在辛卯自春至夏雨澤愆期四野徬徨輟耒而歎公惄然憂之啓建道場齋心虔禱而雨尙不至公更切切然慮之

以爲雨者龍所司也。滇南祀龍之地。所在多有。而黑龍潭最著。靈爽赫奕。載在祀典。乃於五月十九日出城二十里。親詣龍潭。而爲文以道肯歛迫切之意。大率謂聖天子在上。百靈効命。河嶽懷柔。神之爲德于滇南。非一日矣。此而棄之。是吾民終不得邀貺于神也。抑或吏茲土者。政實有闕。斯民又何罪焉。于是沐浴赴祠。潔齋就道。私念我輩爲民爲國。天日照臨。神果相予。當于未至祠下之前。默有感應。心香密薦。奏假無言。維神上天。下地之靈。克滿布濩。樸誠有感。未至祠下一里。膏雨如

注公宿於祠下。謂神之爲靈昭昭矣。若果甘霖大沛。穡人成功。當遂重新廟宇。勒文貞石。以誌明德之賜。已而自十九日至廿二日。連雨不止。四郊霑足。土之焦者以潤。穀之苗者以長。桑麻之枯者以茂。羣情歡忭。豫慶有秋。是神果大有造於滇也。竊惟百神之功。莫非天地之功。天之視滇南。與其在中土者。無以異。一民一物。咸在乾坤覆載之中。獨是氣化不齊。不能無陰陽愆伏之患。于是以節宣補救。屬之羣神。維神質秉純乾。時乘六御。其所以變化不測者。稟二氣之精英。其所以潤澤枯槁。

者得山川之膏液。今也亢陽爲虐。而神能霑溉之。拯救之。隨所求而昭格之。易不云乎。見龍在田。德施普也。是神之幽贊於天地者。其功甚大。而且

聖人御宇。久道化成。時雨時暘。物靡不得其所。維此滇南之地。夔徼雜居。天末巖疆。更勤宵旰。倘穡事有誤。百穀不登。豈惟貽守土者之憂。抑亦厪

聖天子之慮。幸而明神赫赫有感。畢通重民命。卽所以重朝廷。重守臣。卽所以重天子。是神之仰佐於

皇上者。其力甚深。滇南僻處一隅。萬山陡絕。商賈貿遷

之物。僅有至者。其所恃獨有田耳。失雨則田不得耕。失耕則民不得食。嗟茲鴻雁。其不至化離失所者少矣。維神能廕此一方。扶危濟困。直起億萬人之骨而肉之。是神之施惠于滇民者。其德甚厚。公矢心精白。誓答

宸恩。爲君國計。爲地方百姓計。惟望雨暘時若。頻書大有之年耳。仰荷神庥。甘霖立沛。庶幾民殷物阜。五穀用登。四境帖然。萬方清晏。樂與斯民歌。衢擊壤。共享太平。有道之長。而隨得藉手。豐年上寬。聖慮于人。臣循分稱職之義。大有補焉。是神之錫福于

守○臣○者○其○澤○甚○長○且○遠○于○是○捐○資○卜○吉○庀○事○鳩○工○易○腐
去○陳○聿○新○廟○貌○本○年○某○月○某○日○其○始○事○也○八○月○某○日○其
落○成○也○立○碑○于○庭○用○誌○歲○月○且○載○神○感○應○之○速○捷○如○影
響○俾○後○之○祀○神○者○悚○然○思○惕○然○起○千○秋○萬○世○無○敢○或○怠
而○又○爲○侑○神○之○詩○使○歌○以○祀○焉○其○詩○曰
於○爍○皇○清○聖○人○有○道○萬○里○神○靈○式○彰○覺○報○彩○雲○萃○止○金
馬○峯○連○澄○潭○千○尺○神○物○蜿○蜒○能○躍○能○潛○或○飛○或○見○與○世
作○霖○體○天○行○健○歲○維○辛○卯○亢○彼○驕○陽○自○春○徂○夏○釋○耒○傍
徨○不○敢○憚○勞○爲○民○請○命○明○德○馨○香○叩○之○立○應○薰○風○拂○拂

興○雨○祁○祁○乾○坤○一○碧○草○木○生○輝○四○野○均○霑○兆○人○有○慶○奕
奕○龍○宮○肅○然○起○敬○維○皇○上○帝○愛○我○滇○民○宣○慈○布○愷○職○在
羣○神○神○實○聰○明○至○誠○昭○格○隨○感○卽○通○有○求○必○得○維○神○正
直○天○地○無○私○鑒○予○丹○悃○豈○恃○牲○犧○天○子○當○陽○八○荒○我○闕
葭○屋○周○知○隱○微○畢○達○賴○神○之○德○大○有○頻○書○春○回○幽○谷○睿○慮
以○紓○旣○慰○臣○心○又○敷○君○澤○我○土○我○人○神○庥○神○力○爰○俾○匠
氏○黼○黻○丹○雘○易○其○榱○桷○靈○爽○來○憑○風○馬○雲○車○翩○然○至○止
桂○酒○盈○盈○秋○濤○瀾○瀾○白○蘋○青○荇○丹○荔○黃○蕉○歆○我○祀○事○享
我○溪○毛○歲○則○屢○豐○明○昭○大○賜○於○萬○斯○年○永○垂○奕○世

開濬朝陽東直兩門護城河運糧碑

皇帝御極之三十六年庶績咸熙百度修舉尤念漕糧
輸輓爲國家萬萬世根本之計一切經營措置務垂久
遠而黃流萬軸拱嚮神京僅達潞河而止由潞河別用
剝船裝載道通惠河以入京倉其來舊矣然京倉之設
在朝陽東直兩門而剝船第至大通橋下去京倉尙遠
又資車運之力每夏秋數月雨大泥深輓運艱難人馬
俱乏

皇帝惻然軫之命所司開濬護城河道將運到大通橋

漕糧亦由護城河運至朝陽東直兩門車運進倉凡所以裕國利民節勞省費者

睿謨深遠無所不照於是總督戶部倉場右侍郎臣德珠臣石文桂仰承

聖意條議入告請將挑河一事崑屬大通橋分司而添設剝船起造號房節省錢糧其所需物料工匠之費動用通濟庫銀兩舊例大通監督一年一換今展限三年又請揀選才能不拘常例

皇帝曰可於是各部院列其名上請而

皇帝以命翰林院侍講臣秦布戶部河南司員外郎臣

陳奕禧竊惟治水一官歷代沿革不一往往以重臣領

之。大要濬治舊規抑塞新弊引泉蓄水利國通漕有關

宗廟社稷之計甚大也元世祖至元二十八年郭守敬

疏請大都運糧不用一畝泉舊源別引北山白浮泉水

自西水門入城環漚於積水潭出南水門合入舊運糧

河每十里一置牐皆至通州互爲堤閘以過舟止永世

祖可之命守敬領都水監首事於二十九年之春告成

於三十年之秋賜名曰通惠此通惠河所自始也自明

永樂而後或通或淤朝議紛然至嘉靖丁亥御史吳仲
奏請修通惠河力任其事凡三月而工畢世宗登舸觀
之大學士張璠楊一清翟鑾等侍駕聯句以獻翟詩有
云遠饒由來歸水國上游從此重神州亦一時盛事也
然自大通橋以下則蓄水通舟大通橋以上則從未議
及開濬及是奉命經理度地勢探水源相機宜程畚鍤
自東直門起至大通橋止河身長一千三百七十丈五
尺面濶六丈挑深二尺至五尺不等其東直門至大通
橋河身形勢漸次低下非設閘則蓄水無資於是朝陽

門橋下建閘一座所以蓄朝陽門以北之水而朝陽門
河身比大通橋金門石其高不止五尺若無閘板蓄水
則水勢建瓴而下上流之水其涸可立而待也細考故
跡大通橋現有閘口尺寸高下規製甚精歷年既久剝
蝕朽爛於是因其舊而修築之所以蓄朝陽門南大通
橋北之水而東便門水門其河身與大通橋等恐水勢
由水門倒灌則朝陽門河道雖濬無益於是因東便門
閘口之舊添設閘板且河身左右凡地勢窪下者率皆
培土增築不使分流以爲永遠蓄水之計經始於康熙

三十七年二月二十日訖工於是年六月二十八日一切土木金石之工用銀三千三百二十四兩蓋自守敬創議而後歷二百年之久一濬於侍御吳君自吳君而後歷百數十年之久再濬於今日河既濬矣乃議添設運船朝陽門置船二十八隻東直門置船一十四隻以東直門所進漕糧不過三分之一也船以二百石爲準共船四十二隻計價七千八百三十九兩七錢至次年遂定節省之數城河挑濬水陸並運節省車脚每石凡二厘四毫漕糧二百萬石共節省銀四千八百兩以三

十年之通計之節省可至十四萬四千矣猶慮風雨不時而停米無棟宇之固則易於濕爛乃於朝陽門外設立號房二十八間再造官廳二間以備稽察用銀六千四百六十二兩於是制水有牖通道有梁啓閉有常剝運有法車戶省泥濘之苦運丁免守候之累民生國用交受其益矣夫宸居者四方之極也城濠者萬派之宗也水利者國家之榮衛而漕運者天子百官日用所自給也渙發德音便民便國

皇帝之大命在焉
宗廟億萬載之大計存焉
聖主出睿慮以命股肱大臣大臣協心德以稟
聖謨神算千萬世之大法寓焉舟運通而回空之艘速
城河濬而水利之用長剝船增而人馬之困蘇號房建
而風雨之備固則朝野內外之大利出焉而臣布臣奕
禧翼翼小心辛瘁拮据攷數百年之舊蹟襄億萬載之
新功不敢怠事亦不敢喜事則臣子奉公體國靖共爾
位之大義昭焉如此而不有以誌

君德紀成功是爲不敬用是撰辭勒石敢告來者俾萬
萬世有所采擇



